



歷代名賢列女氏姓譜卷之百三十二

湘鄉

蕭智漢雲澤氏纂輯

男秉信明甫氏校

入聲

屋

祝氏

出自姬姓周武王克商封黃帝之後於祝後為齊所并其封域至齊之間祝阿祝邱是也後漢有司徒恬孫義生廣廣為始平太守子孫留家焉生魏太中大夫仍仍生諶晉驃騎府司馬諶生偃散騎常侍以平關中兵冠封始平縣伯生瑜瑜生熙熙生寶三世襲封二子老歸老後魏輔國將軍中外都督二子猷俟俟後魏中散大夫博平縣侯

歷代名賢

祝氏姓譜

卷百三十二

一屋

祝氏

祝

祝佗字子魚衛大祝也靈公二十九年周劉文公合諸侯于召陵將會子行敬子言于公曰會同難噴有煩言莫之治也其使祝佗從公曰善乃使佗佗辭曰臣展四體以率舊職猶懼不給而煩刑書若又共二微大罪也且夫祝社稷之常禮也社稷不動祝不出境官之制也君以軍餉被社鬻鼓祝奉以從於是乎出竟若嘉好之事君行師從鄆行旅從臣無事焉公曰行也及舉鮑將長蔡于衛公使佗私于周襄宏曰聞諸道路不知信否若聞蔡將先衛信乎襄宏曰信蔡叔康叔之兄也先衛不亦可乎佗曰以先王觀之則尚德也昔武王克商成王定之選建明德以藩屏周故周公相王室以尹天下于周為陸分魯公以大路大旗夏后氏之璜封父之繁弱殷民六族條氏徐氏蕭氏索

氏長勺氏尾勺氏使帥其宗氏輯其分族將其類醜以法則周公用卽命于周是使之職事于魯以昭周公之明德分之土田陪敦祝宗卜史備物典策官司彝器因商奄之民命以伯禽而封于少皞之虛分康叔以大路少帛精菽旃旌大呂殷民七族陶氏施氏繁氏錡氏樊氏饑氏終葵氏封畛土畧自武父以南及圃田之北竟取于有闢之土以共王職取于相土之東都以會王之東蒐聃季授土陶叔授民命以康誥而封于殷虛皆啟以商政疆以周索分唐叔以大路密須之鼓闕鞏姑洗懷姓九宗職官五正命以唐誥而封于夏虛啟以夏正疆以戎索三者皆叔也而有令德故昭之以分物不然文武成康之伯由多而不獲是分也惟不尙年也管蔡啟商恭間王室王於是乎殺管叔而蔡蔡叔以車七乘徒七十人其子蔡仲以行帥德周

氏姓譜

卷百三十二

一星

祝氏

二

公舉之以爲已邇士見諸王而命之以蔡其命書云王曰胡無若爾考之違王命也若之何其使蔡先衛也武王之母弟八人周公爲太宰康叔爲司寇聃季爲司空五叔無官豈尙年哉曹文之昭也晉武之穆也曹爲伯甸非尙年也今將尙之是反先王也晉文公爲踐土之盟衛成公不在夷叔其母弟也猶先蔡其載書云王若曰晉重魯申衛武蔡甲午鄭捷齊潘宋王臣莒期藏周府可覆視也吾子欲復文武之畧而不正其德將如之何萇宏說乃長衛于盟

漢

祝龜字元靈南鄭人也年十五遠學汝隸及太學通博萬達能屬文張太守奇之曰吾見海內士多矣無如祝龜者也州牧劉焉辟之不得已行授葭萌長撰漢中耆舊傳以

著述終

祝良臨湘人順帝時爲九真太守奉徵日南外蠻區隣等破象林殺長史良到單騎入賊營中招以威信降者數萬人嶺外復平初良爲洛陽令犬旱良暴身階庭引罪乃雨其誠信如此

祝耆隋末喪亂率子弟以保鄉里武德中賊執死之季大亮表其忠諂封其妻陳氏爲懷繞縣君

祝永祐貴溪人與王太素齊名政和間號沖隱大師知本州神仙宮時盜掠衢婺二州將及境郡守懼祝曰公無憂盜踰常山當自退項之盜至草萍大風晝晦若有旌旛戈甲出沒山谷間乃宵遁郡守以聞加號通妙後復徵之稱

氏姓譜

卷百三十一

一屋

祝氏

三

疾不赴卒年九十一

祝維岳字周輔城武人申明法科爲陵州司理參軍秀州盜掠官粟捕十餘人論死趣就刑維岳獨疑非盜爭不肯決久之盜擒而所爭者得活時羌虜數寇邊維岳轉餉出入虜中助曹瑋多破敵遷大理寺丞子四皆擢進士

祝公明麗水人主孟縣簿金人犯太原時公明率兵入援城陷死之子陶亦死國事

祝確歙人朱熹外祖淳厚孝謹親喪廬墓一兄一弟先後死熙河不憚萬里徒步以歸其喪所舍輒悲號上食如禮夜寢柩側不忍暫去親舊有盡室病卧者確每旦攜粥藥徧飲食之日以爲常凡遇貧乏輒傾財與之無吝色人多高其行云

祝穆字和甫景先三世孫幼孤與弟丙同從朱晦翁受業

性溫行淳刻意問學下筆頃刻數百言以儒學昌其家所著有事文類聚方輿勝覽諸書

祝洙穆之子第寶祐進士景定中爲涵江書院山長郡守徐直諫薦其趣向不凡學問有本其祖姑實朱熹之母而其父穆嘗從熹於雲谷之間微言緒論目染耳濡洙在家庭講論精密比來涵江闡揚師訓發明經旨士論稱之

祝華字繼張婺源高安人弱冠登紹興二十四年進士授建康府上元縣主簿再調福州錄參任滿授衡州常寧令調嚴州改知衡陽縣當路舉其政績曰有實政無貪風以便養乞祠主管台州崇道觀倅靜江府周益公葛侍郎列薦守象州改梧州差知南劍州未赴卒

祝深字通甫三衢人至道中知南安軍慈祥愷悌立教條五一曰修學化俗二曰戢吏愛民三曰清訟省困四曰節

氏姓譜

卷百三十二

一屋

祝氏

四

用下士五曰歲豐時和百姓宜之相與立祠于學

祝公榮處州麗水人母没居喪會竈突失火公榮不能救

乃伏棺悲哭其火自滅復墮二親像于堂朝夕事之如生

祝蕃至正間涪州經歷一夕課子讀書忽旋風滅炬戶外

若有人稱黃氏來訴寃者比開戶視之四無人跡詎且審

獄果有黃姓者竟得其寃狀兄弟同坐入人止罪其一餘

皆釋之

祝堯上饒人博學能文延祐中進士爲江山尹後陞無錫

州同知所著有

大易演義策學提綱

祝雄遼東人起家世廕歷都督僉事自山西副總兵遷鎮

大同被劾解職起鎮薊州善撫士治軍肅寇入塞率子弟

爲士卒先子少却行法不貨世宗書其名御屏爲將三十年布袍氊笠不異卒伍旣沒遺貲僅供殮具薊人祠祀之祝淵字開美海寧人崇正六年舉于鄉自以年少學未充棲峯巔僧舍讀書三年山僧罕見其面十五年冬會試入都適劉宗周廷諍姜採熊開元削籍淵抗疏曰宗周顧直性成忠孝天授受任以來蔬食不飽終宵不寢圖報國恩今四方多難貪墨成風求一清剛臣以司風紀孰與宗周宗周以迂戇斥繼之者必澳忍宗周以偏執斥繼之者必便捷澳忍便捷之夫進必且營私納賄顛倒貞邪乞收還成命復其故官天下幸甚帝得疏不憚停淵會試下禮官議淵故不識宗周旣得命往謁宗周曰子爲此舉無所爲而爲之乎抑動于名心而爲之也淵爽然避席曰先生名滿天下誠恥不得列門墻耳願執贄爲弟子明年從宗周

氏姓譜

卷百三十二

一屋

祝氏

五

山陰禮官議上逮下詔獄詰主使姓名淵曰男兒死卽死耳何聽人指使爲移刑部進士共疏出淵未幾都城陷營死難太常少卿吳麟徵喪歸其柩詣南京刑部竟前獄尙書諭止之上疏請誅奸輔通政司抑不奏給事中陳子龍疏薦淵宗周罷官家居淵數往問學嘗有過入曲室長跪流涕自撾杭州失守淵方葬母趣竣工旣葬還家設祭卽投纆而卒年三十五踰二日宗周餓死

祝允明字希哲長洲人宏治五年舉于鄉久之不第授廣

東興寧知縣捕戮盜魁三十餘邑以無警稍遷應天通判謝病歸嘉靖五年卒允明生而枝指故自號枝山又號枝指生五歲作徑尺字九歲能詩稍長博覽羣集文章有奇氣當筵疾書思若湧泉尤工書法名動海內好酒色六博善新聲求文及書者踵至多賄妓掩得之惡禮法士亦不

問生產有所入輒召客豪飲費盡乃已或分與持去不留
一錢晚益困每出追呼索逋者相隨于後允明益自喜所
著有詩文集六十卷他雜著百餘卷

祝萬齡咸寧人父世喬有至行以父遠遊不歸年十五卽
獨身訪求瀕死歷數千里卒得之後由選貢通判南康以
清慎著萬齡師鄉人馮從吾舉萬歷四十四年進士累官
保定知府天啟六年魏忠賢盡毀天下書院萬齡憤逆黨
李魯生遂劾萬齡倡詆言謂天變地震物怪人妖悉由毀
書院所致非聖誣天實甚萬齡遂落職崇正初用薦起黃
州知府集諸生定惠書院迪以正學居三年遷河南副使
監軍磁州輝縣之北與山西陵川之南有村曰水峪回賊
竊據數十年大爲民患萬齡與山西監司王肇生合兵擊
六戰焚巢三百餘賊遂平錄功加右參政流賊自山西入

氏姓譜

卷百三十二

一屋

祝氏

六

河北掠新鄉萬齡邀擊之賊走陵川已復大至坐失事削
籍歸湯開遠訟其寃不納久之廷臣交薦未及用而西安
陷萬齡深衣大帶趨至關中書院哭拜先聖投繯死

祝永壽號望坪臨川人隆慶舉人知福寧州事精明寬厚
愛民禮士州城向皆甃石傾欹可踰永壽爲請當道易以
輓遂成堅堞歲當大造賦籍悉出手裁洞燭奸弊州民咸
謂前有陸公今有祝公

祝徽字文柔臨川人天啟壬戌會魁巡按山西單騎行邊
周覽扼塞邏者執樵採人冒賞按實釋之邊人德之平臺
召對條奏起廢進賢緩刑勤政等疏內艱歸時年已高猶
哀毀不自勝尋疾卒著有言餘集及邊防京儲鹽策等書
祝徑字直夫德興人登進士初授給事兩奉使藩餽遺不
受疏阻中貴李廣之乞地及巨璫李興之再入劾罷漕運

總督張緯奏定勲臣侯伯祿之常額以言事下獄尋釋爲河南參政查巨盈庫藏掘發地中丞銀舊無稽查者一一籍之官督建汝王府第內侍貪酷害民徑緝之以法修防黃河穿地築堤通徐州呂梁二洪有功卒于官

祝世祿字無功德興人嘉靖甲子舉于鄉諭黃陂以學爲教已丑成進士令休寧有兄弟訟十餘年不解者世祿曰此未可曲直折也乃繫以琅鐺而坐之獄令朝夕同起卧久之遂兄弟如初及選南吏垣礦稅起留都兩廠監駐徽寧餒張甚欲令二千石以下庭謁之世祿取儀註刪定爲平交禮九載考滿陞南京尙寶卿京察降調卒世祿工詩善草書談理獨抒心得人人解頤故講學之士尤思之

祝瀚字惟容山陰人成化進士歷刑部郎中宏治間擢南昌知府戴星視事廉明有威時京奏臺訴者株連至千百

氏姓譜 卷百三十一 一屋 祝氏 七

人瀚一切不問惟對面纏繫之相去徑寸寢息甚艱未幾日多自解息園土一空出公費墾田二萬畝以贍諸生築圩五百餘處俾圩長督之至今名祝公堤又修郡乘移郡獄擴郡治基政成有靈鵲巢架馴雁隨車之異時宸濠勢漸熾瀚每裁抑之寧府有鶴帶牌者縱于道爲民家犬所噬王官希意牒府抵罪瀚批其牒曰鶴雖帶牌犬不識字禽獸相爭何預人事濠卒不得逞後以中傷罷去民立祠祝鰲號東田海寧人宏治舉人恢奇負經濟才知崇仁縣立身廉潔御下威惠相濟能得人死力逆知宸濠有異志治兵器完府庫若爲他盜備者濠反鰲徇于衆曰宸濠蓄逆心久矣然性躁才疎其下多羣盜無紀律不足畏也立襄戎事卒摧逆濠事定以功當遷遽拂衣歸

祝瀾字有本德興人登成化進士授兵科給事中不嬖阿

脂韋侃侃剛直以彗星變在修人事以弭之舉致仕尚書
王竑李秉都御史韓雍高明皆負人望不宜閒處及當時
急務十餘忤旨調安州判官理馬政畜牧有方起爲國子
監丞上廟祀議以聖賢像宜從國初定制止祀木主有父
列于廡子配于殿者似非明道正倫之義宜別建一室祀
叔梁公以大賢父配之若公伯寮荀况之徒宜黜其祀奏
下禮部議調雲南廣西府經歷爲人慷慨尚氣節不以死
生禍福爲意嘗曰爲人臣以身許國竭力吾事斃而後已
視廷璿永豐人喜化誨人又精琴理友人館僕詆罵父母
廷璿召其人立戶外操孝順歌其人泣下改行

視詠字鳴盛清泉縣人嘉靖己丑進士授戶部給事中壬
辰轉兵科在言路七年彈劾不避權貴時幸臣請內府白
糧代俵戶部許之詠疏不可擅損上供竟寢癸巳星變有

氏姓譜

卷百三十一

一屋

祝氏

八

巡撫黨執政者故指事應爲解詠應詔力破其奸忤執政
會甘肅諸邊入貢誣訐撫鎮大臣聽之懼損威拂之懼激
禍朝議不能決乃命詠同大理少卿蔡某往驗將陰中之
比驗覆詠以所訐坐諸入貢者羣小不復株連事尋解執
政計沮詠出入邊境目擊險易虛實之故數數論列如燒
河套復屯田諸議又爲當事所忌乃出之太平府有巡撫
子貨馬虐民詠怒將執之被劾左遷兩淮鹽運司同知未
幾補贛州知府境多盜督撫憲司立捕盜賞格詠讞盜賊
不實立反其獄憲司忿謀共擠遂引疾去復擢四川按察
副使備兵松潘時西南騷動詠徧歷林崗撫視籌畫條其
利弊與巡撫王大用議合二年松潘無事擢陝西布政司
左參政疾歸時土風尚通詠所操獨直信已意不少挫矻
矻民事惟恐一日蠹食在戶科嘗論賦歛里甲數事行之

民間衡卒輪成廣西邊備多瘴死追捕日密公私兩困詠
疏罷之初至太平禱雨而至蝗不爲災滅穎郡供應卽督
撫憲司無所避自罷歸居响嘍峰自號响嘍子嘗師事湛
若水與羅洪先爲友建書堂于响嘍若水銘之爲堂于壽
藏之前洪先題曰知生爲之記卒年六十有八洪先銘其
墓所遺有兩科奏疏使西漫興蜀中稿祭葬禮式存于家
祝完字伯固號水簾詠姪先世從戎衡州遂入衡籍幼有
才氣弱冠卽有聲嘉靖癸卯舉人七上春官不售謁選雲
南大理府推官有廉聲擢浙江寧波府通判時築海塘當
道檄完爲植完身自督率人無不盡力故財省而工易尙
書張時徹紀其績于石晉知徐州方履任以內艱歸遂不
復出家居澹然無營絕迹公府日惟與知己觴咏以樂餘
年有伯父之風子來慶舉人知縣事

氏姓譜

卷百三

一屋

祝氏

九

歷代列女

祝氏確女妻朱松生晦翁自幼勤於訓誨卒成巨儒或云
母又善胎教云

祝氏胡妙端妻嬸人至正二十年苗獠掠之去至京萃乘
間嚙指題詩石壁赴水死

祝氏名清勤人生而淑德二十三歸張鼓寶時夫已疾草

扶持成禮期月而卒氏清苦自守育前妻子壽入十五卒

祝氏金大紳妻氏年二十三夫卒遺孤甫三歲氏毀容

長號誓以身殉姑王氏百方淚諭勉以死節易存孤難勉

從姑命忍死撫孤家貧落魄又遭回祿朝夕餽粥躬自紡

績獨處一小樓非蒸嘗祭祀家人罕見其面享年八十六

卒曾孫蘭題請建坊

祝氏李世葵妻宜都

夫亡氏年二十止生一女舅姑欲

其改嫁不可奪日用艱難自負薪水守節三十餘年

祝氏女寧州人許聘同里盧榮年二十未歸榮病革女請往視慰之曰君不諱我為立後遂斷一指以誓立所親子繼之一日謂諸婦曰我將浴若等且去遂于私室浴竟更衣無疾而逝人指其藏為貞女墓

氏名臨姑上饒人歸鄭孔貫年二十六而孔貫亡撫子

應娶劉氏名錦雲年二十九而麒亡姑婦相繼守節姑年

八十三婦年七十二都穆作鄭氏雙節傳

祝氏鉛山人傅崗妻崗設祝年少姑議欲改嫁祝泣辭竟欲奪之聘至祝佯為閉門檢飭狀竟赴河抱石入水死是秋大旱邑令張曷禱之不應乃集諸耆老詢其故有以祝氏節義告者曷即具牲醴為文親詣死所奠之是夕大雨祝之死節處水深莫測後湧塞成洲俗呼為節婦洲

氏姓譜

卷百三十一

一星

祝氏

十

祝氏信豐祝仲華女呂仲德妻翁姑沒祖姑俞氏踰入十齒盡落艱於飲食祝以乳養之晨夕扶掖人稱祝曰孝婦

壻氏

見于姓編不知所出明壻常大足人宣德中崇安縣丞

谷氏

有聞于漢宋登科谷大向大方並曹州人谷大忠興仁

人谷椿衢州人

歷代名賢

漢

谷永字子雲長安人也父吉為衛司馬使送邳支單于侍

子為邳支所殺永少為長安小史後博學經書建昭中御

史大夫繁延壽聞其有茂材除補屬舉為太常丞數上疏

言得失建始三年冬日食地震同日俱發詔舉方正直言

極諫之士太常陽城侯劉慶忌舉承待詔公車奏對稱旨
上特復問承永對曰日食地震皇后貴妾專寵所致是時
上初卽位謙讓委政元舅大將軍王鳳議者多歸咎焉承
知鳳方見柄用陰欲自託乃復曰方今四夷賓服皆爲臣
妾北無薰粥旨頓之患南無趙佗呂嘉之難三垂晏然靡
有兵革之警諸侯大者乃食數縣漢吏制其權柄不得有
爲亡吳楚燕梁之勢百官盤互親疎相錯骨肉大臣有中
伯之忠洞洞屬屬小心畏忌無重合安陽博陸之亂三者
無毛髮之辜不可歸咎諸舅此欲以政事過差丞相父子
中尚書宦官檻塞大異皆警說欺天者也竊恐陛下舍昭
昭之白過忽天地之明戒聽曖昧之警說歸咎乎無辜倚
異乎政事重失天地之心不可之大者也陛下卽位委任遵舊
未有過政元年正月白氣較然起乎東方至其四月黃濁

氏姓譜

卷百三十一

一屋

谷氏

十一

四塞覆冒京師申以大水著以震蝕各有占應相爲表裏
百官庶事無所歸倚陛下獨不怪與白氣起東方賤人將
興之表也黃濁冒京師王道微絕之應也夫賤人當起而
京師道微二者已醜陛下誠深察愚臣之言致懼天地之
異長思宗廟之計改往反過抗漭溺之意解偏駁之愛奮
乾剛之威平天覆之施使列妾得人人更進猶尙未足也
急復益納宜于婦人毋釋奸醜毋避嘗字毋論年齒推法
言之陛下得繼嗣于微賤之間乃反爲福得繼嗣而已毋
非有賤也後宮女史使令有直意者廣求于微賤之間以
遇天所開右慰釋皇太后之憂愠解謝上帝之譴怒則繼
嗣蕃滋災異訖息陛下不深察愚臣之言忽于天地之戒
咎根不除水雨之災山石之異將發不久發則災異已極
天變成形臣雖欲捐身闕策不及事已疏賤之臣至敢直

陳天意斥譏帷幄之私欲間離貴后盛妾自知忤心逆耳
必不免于湯鑊之誅此天保佑漢家使臣敢直言也三上
封事然後得召待詔一旬然後得見夫由疏賤納至忠甚
苦由至尊聞天意甚難語不可露願具書所言因侍中奏
陛下以示腹心大臣腹心大臣以爲非天意臣當伏妄言
之誅卽以爲誠天意也奈何忘國家大本背天意而從欲
惟陛下省察熟念厚爲宗廟計時對者數十人永與杜欽
爲上第焉上皆以其書示後宮後上嘗賜許皇后書采永
言以責之永旣陰爲大將軍鳳說矣能實最高由是擢爲
光祿大夫永奏書謝鳳曰永斗筲之材質薄學朽無一日
之雅左右之介將軍悅其狂言擢之早衣之吏廁之爭臣
之末不聽浸潤之譖不食膚受之愬雖齊桓晉文用士篤
密察父慙兄覆育子弟誠無以加昔豫子吞炭壞形以秦

氏姓譜

卷百二十一

一屋

谷氏

十一

見異齊客隕首公門以報恩施知氏孟嘗猶有死士何況
將軍之門鳳遂厚之數年出爲安定太守時上諸舅皆修
經書任政事平阿侯譚年次當繼大將軍鳳輔政尤與永
善陽朔中鳳薨鳳病困薦從弟御史大夫音以自代上從
之以音爲大司馬車騎將軍領尚書事而平阿侯譚位特
進領城門兵永聞之與譚書譚得其書大感遂辭讓不受
領城門職由是譚音相與不平永遠爲郡吏悉爲音所危
病滿三月免音奏請永補營軍司馬永數謝罪自陳得轉
爲長史音用從舅越親輔政威權損于鳳時永復說音音
猶不平薦永爲護苑使者音薨成都侯商代爲大司馬衛
將軍永乃遷爲涼州刺史奏事京師訖當之部時有黑龍
見東萊上使尚書問永受所欲言永極陳時政得失多所
觸忌成帝性寬而好文辭又久無繼嗣數爲微行多近幸

小臣趙李從微賤專寵皆皇太后與諸舅夙夜所常憂至
親難數言故推永等使因天變而切諫勸上納用之永自
知有內應展意無所依違每言事輒見答禮至上此對上
大怒衛將軍商密誡永令發去上使侍御史收永敕過交
道廐者勿追御史不及永還上意亦解自悔明年徵永爲
大中大夫遷光祿大夫給事中元延元年爲北地太守時
災異尤數永當之官上使衛尉淳于長受永所欲言永對
奏天子甚感其言永于經書汎爲疏達與杜欽杜鄴畧等
不能洽浹如劉向父子及楊雄也其于天官京氏易最密
故善言災異前後所上四十餘事畧相反覆專攻上身與
後宮而已黨于王氏上亦知之不甚親信也永所居任職
爲北地太守歲餘衛將軍商薨曲陽侯根爲驃騎將軍薦
永徵入爲大司農歲餘永病三月有司奏請免故事公卿
氏姓譜 卷百三十一 一星 谷氏 三

病輒賜告至永獨卽時免數月卒于家本名並以尉氏樊
並反更名永云

谷朗 耒陽人事繼母以孝聞歷官遷大中正時交州叛以
朗往南州恩威素著遷九真太守

三國

谷利 孫權于武昌新製大船名爲長安試泛之金勾臺沂
時風大利令拖工竟日 曰當張頭取羅州利拔刃

向拖工曰不取樊口者斬工卽轉入樊風遂猛大不可行
乃還權曰阿利畏水何怯也利曰主萬乘之主輕于不測
之淵而戲于猛浪之中船樓裝高邂逅顛危其如社稷何
是以利輒敢以死爭權於是貴重之不復名之常呼曰谷

晉

谷儉 桂陽人元帝時舉秀才試高第除中郎儉少有志

寒苦自立博涉經史于時南土凋荒經籍道息儉不能遠
求師友惟在家研精雖所得實深未有名譽又恥炫耀取
達遂歸終身不仕卒于家

南

谷渾字元冲昌黎人也父袞膂力兼人彎弓三百斤勇冠
一時仕慕容垂至廣武將軍渾少有父風任俠好氣以父
母在常自退抑晚乃折節受經業遂覽羣籍被服類儒者
魏道武時以善隸書爲內侍左右明元世遷前鋒將軍從
幸河南還以選給事東宮太武卽位爲中書侍郎加振威
將軍從征赫連昌爲驍騎將軍遷侍中安南將軍領儀曹
尙書賜爵濮陽公渾正直有操行性不苟合趣舍不與已
同者視之蔑如也然反重舊故不以富貴驕人時人以此
稱之在官廉直爲太武所器重詔以渾子孫十五以上悉
氏姓譜

卷百三十二

一屋

谷氏

古

補中書學生延和二年春卒大武悼惜之親臨其喪贈賜
豐厚諡曰文宣

谷頌渾曾孫也青州征東大將軍廣陵王羽田曹參軍員
外散騎侍郎給事中尙書郎加威遠將軍除員外散騎常
侍尋轉中散大夫大軍伐蜀時益州刺史傅豎眼出爲別
將以頌權行州事後除假節鎮遠將軍涼州刺史不行改
授太府少卿又加前將軍神龜二年卒贈平東將軍營州
刺史諡曰貞

谷纂字靈紹頌長子頗有學涉解褐太學博士領侍御史
稍遷著作郎司州治中黃門郎散騎常侍又爲侍中兼殿
中尙書遷驃騎大將軍左光祿大夫營州大中正

谷士恢字紹達纂弟也少好琴書初爲太武挽郎除奉朝
請正光中入侍甚爲孝明寵待元父之出靈太后反政紹

達預有力焉遷諫議大夫俄轉通直散騎常侍直閣將軍
鴻臚少卿封元城縣開國侯邑七百戶太后嬖幸鄭儼懼
紹達間構于帝每因言次導紹達爲州紹達就寵不願出
外太后誣其罪而殺之

元

谷廷珪襄陽縣尹鐵木哥兵入境官吏皆遁廷珪與主簿
張德獨不去被執使降不屈死之

明

谷庸固城人承樂間知登封縣居民席守中姪被虎傷死
庸齋沐投疏中岳祠不旬日虎自投于守中井死人以爲
德政所致

谷景通房山人宏治間知陽城縣廉介自持爲政有紀律
人不敢干以私性骯髒竟以杖小吏受笞于上司憂憤而

氏姓譜

卷百三十一

一屋

谷氏

五

卒民咨咨慨惜之

谷同字用中南陵人嘉靖十五年知上猶縣清介自持以
培善抑強爲已任豪民捍法必嚴治之洪水衝決西城數
十丈同捐贖緩募工修築未嘗擾民

歷代列女

谷氏馮鰲妾也年二十夫死無子相誓死守紡績易衣貧
益甚而節益堅

谷氏隆安人陳志妻年二十六守節壽至百歲邑令余興
賢旌賜百歲扁額後無病而終

谷氏郴州人高天霖妻年十八夫死嘗置利刃于床莫敢
有奪其志者

谷氏餘姚史茂妻父以茂有文學贖之于家數日鄰人索
思徵責于父見氏美遂指通錢爲聘物訟之官之縣馬從

龍察其誣杖遣之及谷下階茂將扶以行谷故未嘗出閨
閣見隸人林立而夫以身近已慙發頰推茂遠之從龍望
見以谷意不屬茂也立改判歸思思卽率衆擁輿中而去
谷母隨之至思舍谷呼號求速死斷髮屬母遺茂思族婦
十餘人環相勸慰不可解乘間縊死從龍聞之大驚捕思
思亡去茂感妻義終身不娶

谷氏南陽人吉安妻生二女妾張氏生子福夫卒二女私
向母分家賞谷不許乘女晝出盡以重貲付子後福亦亡
同張寡居四十餘年壽八十終

郁氏

望出魯國國語云魯相郁貢子孫因居之今吳中有此
姓又望出黎陽宋郁藻郁澄登科皆浙人

歷代名賢

氏姓譜

卷百三十二

一星

郁氏

夫

郁繼善深于醫術其砭炳之妙得之鳳陽劉伯淵伯淵得
之太師竇文正公故學有淵源爲時所重子孫皆以醫仕

明

郁新字敦本臨淮人洪武中以人材徵授戶部度支主事
遷郎中踰年擢本部右侍郎嘗問天下戶口田賦地理險
易應答無遺帝稱其才尋進尙書時親王歲祿米五萬石
新定議減五之四竝定郡王以下祿有差又以邊餉不繼
定召商開中法令商輸粟塞下按引支鹽邊儲以足夏原
吉爲戶部主事新重之諸曹事悉委任焉建文二年引疾
歸成祖卽位召掌戶部事以古朴爲侍郎佐之永樂元年
河南蝗有司不以聞新劾治之初轉漕北京新言自淮抵
河多淺灘跌坡運舟艱阻請別用淺船載三百石者自淮

河沙河運至陳州潁溪口跌坡下復用淺船載二百石者運至跌坡上別用大船運入黃河至入柳樹諸處令河南車夫陸運入衛河轉輸北京從之又言湖廣屯田所產不一請皆得輸官粟穀糜黍大麥蕎麥二石准米一石稻穀藟秋二石五斗稔稗三石各准米一石豆麥芝蕨與米等著爲令二年議公侯伯駙馬儀賓祿二百石以上者請如文武官劍米鈔兼給三年以士李勞困議減屯田歲收不如額者十之四五又議改納米北京贖罪者於南京倉皆允行是年八月卒于官帝歎曰新理邦賦十三年量計出人今誰可代者轅朝一日賜塋祭而召夏原吉還理部事新長于綜理密而不繁其所規畫後不能易

郁瑞卿吳縣人至正間初爲常熟州戶曹吏富人徐忠以白金百兩來賀瑞卿堅拒不受或曰彼以禮餽非有所爲也奈何不受瑞卿曰忠爲富民官有所徵必先及忠愛其餽而不能紀其徵吾弗能爲也終不受洪武間以疾卒于家年六十九

郁綸字理之德州人景泰進士知崇德縣時署廢久綸自學校壇墮街巷河渠市肆之類悉規畫繕理大盜章正等爲患設方畧禽之以素剛直不能俯仰忤當路罷去縣人以爲遺恨

郁浩湖廣永廣衛人第進士正德末除汾州知州政尙嚴簡力興學校朔望爲諸生講說經義亶亶不倦廟學頽圯大加修葺增建泮池及龍池焉陞戶部員外及按察僉事郁采字亮之浙江山陰人正德戊辰進士授刑部主事性剛直不脛附阿謫同知裕州會賊四起攻掠郡邑采與都指揮詹濟鄉官任賢共堅守斬獲多城破被執采罵不輟

氏姓譜

卷百三十一

一屋

郁氏

七

賊碎其輔頰而死事聞詔贈光祿寺少卿錄一子入監仍命有司立祠祀之

牧氏

黃帝臣力牧之後漢有越雋太守牧良

歷代名賢

周

牧皮孔子門人與琴張曾皙為友行與二人同孔子亦謂之狂也

牧仲賢人而無位者也孟獻子與之友善

明

牧相餘姚人宏治十二年進士授南京兵科給事中論救宣府都御史雍泰又公疏請罷禮部尚書崔志端等皆不聽正德元年奉命與御史呂鏜清查御馬監囚陳濫役濫

氏姓譜

卷百三十一

屋

柳氏

大

費之弊及太監李棠扞詔旨營私罪至是受杖歸授徒養母後復官擢廣西參議命下相已前卒

穆氏

或作繆音同又繆或有紕繆之音子姓宋穆公之後其支孫以諡為氏左傳有穆伯又有邱穆陵氏改為穆氏

歷代名賢

漢

穆商著申氣攝生論四卷

南朝

穆崇代人也其先世效節於神元桓穆之時崇少以盜竊為事道武之居獨孤部崇常往來奉給時人無及者後劉顯謀逆平文皇帝外孫梁眷知之密遣崇告道武眷謂崇曰顯若知之雖刀劍割勿泄也因以寵妻及所乘良馬

宕昌王梁彌機死子彌博立爲吐谷渾所逼來奔仇池亮以彌博凶悖氏羌所棄彌機兄子彌承戎民歸樂表請納之孝文從焉于是擊走吐谷渾立彌承而還氏豪楊卜自延興以來從軍征伐二十一戰前來鎮將抑而不聞亮表卜爲廣業太守豪右咸悅境內大安徵爲侍中尚書左僕射于時復置司州孝文曰司州始立未有寮吏須立中正以定選舉然中正之任必須德望兼資世祖時崔浩爲冀州中正長孫嵩爲司州中正可謂得人公卿等宜審推舉尚書陸叡舉亮爲司州大中正後拜司空參議律令劾降爵爲公時文明太后崩已過期月孝文毀瘠猶甚亮表請上承金冊遺訓下稱億兆之心時襲輕服數御常膳修崇郊祠垂惠咸秩詔曰苟孝悌之至無所不暹今飄風亢旱時雨不降實由誠慕未濃幽顯無感也尋領太子太傅時

氏姓譜

卷百三十一

一屋

穆氏

三

將建太極殿帝引見羣臣于太華殿曰朕將營殿宇今欲徙居永樂以避囂埃土木雖復無心毀之能不悽愴今故臨對卿等與之取別此殿乃高宗所制爰歷顯祖逮朕冲年受位于此但事來奪情將有改制仰惟疇昔惟深悲感亮稽首請稽之下筮又以去歲役作爲功甚多大廟明堂一年便就若仍歲頻興恐民力凋弊且材幹新伐願得逾年帝曰朕遠覽前王無不興造故有周創業經建靈臺漢受命未央是作草創之初猶尙若此况朕承累聖之運屬太平之基欲及此時以就大功人生定分修短命也著蔡雖智其如命何當委之分豈假卜筮遂移御永樂宮後帝臨朝堂謂亮曰三代之禮日出視朝自漢魏以降禮儀漸殺晉令有朔望集公卿于朝堂而論政事亦無天子親臨之文今因卿等日中之集中前則卿等自論政事中後

與卿等共議可否遂命讀奏案帝親自決之及遷都加武
衛大將軍以本官董攝中軍事帝南伐以亮錄尚書事留
鎮洛陽後帝將自小平津汎舟幸石濟亮諫曰昔漢帝欲
乘舟渡渭廣德將以首血汗車輪帝乃感而就橋夫一渡
小水猶尚若斯况洪河有不測之慮帝曰司空言是也及
亮兄罷預穆泰反事覺亮上表自劾帝優詔不許還令攝
事亮固請久乃許之後徙封頓邱郡公以絳崇爵宣武卽
位拜尚書令司空公景明三年薨年五十二宣武親臨小
飲贈太尉諡曰匡

穆紹字承業亮子也尚琅邪長公主拜駙馬都尉歷位秘
書監侍中衛將軍太常卿中書令轉七兵殿中二尚書遭
所生憂免居喪以孝聞又除衛大將軍中書監侍中領本
邑中正紹無他才能而資性方重罕接賓客希造人門領

氏姓譜

卷百三十二

一屋

穆氏

三

軍元又當權熏灼曾往候紹迎送下階而已時人歎尚之
及靈太后欲黜又猶豫未決紹贊成之以功加特進時侍
中元順與紹同直順嘗因醉入其寢所紹擁被而起正色
讓順曰老身二十年侍中與卿先君亟連職事縱卿後進
何宜相排突也遂謝事還家詔諭乃起除侍中託疾未起
故免河陰之害莊帝立余朱榮遣人徵之紹以爲必死哭
辭家廟及往見榮捧手不拜榮亦矯意禮之顧謂人曰穆
紹不虛作大家兒車駕入官尋授尚書令司空公進爵爲
王給班劍四十人仍加侍中時河南尹李獎往詣紹獎以
紹郡人謂必加敬紹又恃封邑是獎國主匡坐待之不爲
動膝獎憚其位望致拜而還議者兩譏焉未幾降王復本
爵普泰元年除驃騎大將軍開府青州刺史加都督未行
其年九月薨時年五十二贈大將軍尚書令太保諡文獻

穆弼有風格善自位置涉獵經史與長孫稚陸希道等齊名于世矜已陵物頗以損焉魏孝文初定氏族欲以弼爲國子助教弼辭曰先臣以來蒙恩累世比校之流實用慙屈帝曰朕欲敦厲胄子故屈卿光之白玉投泥豈能相汚弼曰旣遇明時恥沉泥滓會司州牧咸陽王禧入帝謂禧曰朕與卿作州都舉一主簿卽命弼謁之因爲帝所知輿駕南征特敕隨從宣武初除尙書卽以選爲高平王懷國郎中令數有匡諫之益宣武善之除中書舍人轉司州治中別駕歷任有稱孝明時河州羌鐵忽反敕兼黃門慰諭忽以功加前將軍賜以錢帛尋以本將軍行揚州事追拜平西將軍華州刺史卒于州時年五十一贈使持節征北將軍定州刺史諡曰懿

氏姓譜

卷百三十一

一屋

穆氏

三

赫連昌勇冠一時大武嘉之遷侍輦卽殿中將軍賜爵泥陽子從征和龍功趨諸將拜司衛監加龍驤將軍進長樂侯會從大武田于崢山有虎笑出頸搏而獲之大武乃歎曰詩所謂有力如虎凱乃過之後從駕西征白龍北討蠕蠕以功加散騎常侍鎮北將軍進爵建安公出爲北鎮都將徵拜殿中尙書出鎮涼州所在著稱還加散騎常侍領太倉尙書文成時爲征西大將軍督諸軍事西征吐谷渾出南道坐擊賊不進免官爵徙邊孝文又以顓著勲前朝徵爲內都大官天安元年卒贈征西大將軍建安王諡康

唐

穆寧懷州河內人父元休有名開元間獻書天子擢偃師丞世以儒聞寧剛正氣節自任以明經調鹽山尉安祿山反署劍道元爲景城守寧募兵討之徵州縣并力捍賊

思明畧境郡守召寧攝東光令禦之賊遣使誘寧寧所以
狗郡守恐怒賊令致死卽奪其兵罷所攝始寧過平原見
顏真卿嘗商賊必反及是聞真卿拒祿山卽遣真卿書曰
夫子爲衛君手真卿喜署寧河北採訪支使寧以息屬其
母弟曰苟不乏嗣足矣卽馳謁真卿曰先人有嗣矣我可
從公死旣而賊攻平原寧勸固守真卿不從夜亡過河見
肅宗行在帝問狀真卿對不用穆寧言故至此帝異之馳
驛召寧將以諫議大夫任之會真卿以直忤旨寧亦罷上
元初爲殿中侍御史佐鹽鐵轉運住埇橋李光弼屯徐州
餉不至檄取資糧寧不與光弼怒召寧欲殺之或勸寧去
寧曰避之矢守亂自我始何所逃罪乎卽往見光弼光弼
曰吾帥衆數萬爲天子討賊食乏則人散君閉廩不救欲
潰吾兵邪答曰命寧主糧者敎也公可以檄取乎今公求

氏姓譜

卷百三十二

一星

穆氏

三

輟而寧專饋寧有求兵而公亦專與乎光弼執其手謝曰
吾固知不可聊與君議耳時重其能守官累遷鄂岳沔都
團練及粗庸鹽鐵轉運使當是時河漕不通自漢沔徑商
山以入京師淮西節度使李忠臣不奉法設戍邏以征商
賈又縱兵剽行人道路幾絕與寧交淮爲治憚寧威掠劫
爲衰潛賈得通坐杖死沔州別駕貶平集尉大歷初起爲
監察御史三遷檢校秘書少監兼和州刺史治有狀後刺
史疾之以天寶舊版校見戶妄劾寧多逋亡貶泉州司戶
參軍事子贊訴其枉三年始得通詔御史覆視實增戶數
倍召入拜太子右諭德寧性不能事權右毅然寡合執政
者惡之雖直其誣猶置散位寧默不樂喏曰時不我容我
不時狗又可以進乎遂移疾滿百日屢矣親友強之輒復

一朝德宗在奉天奔詣行在履秘書少監改太子右庶子

帝還京師乃曰可以行吾志矣卽罷歸東都以秘書監致仕卒寧居家嚴事寡姊恭甚嘗譏家令訓諸子八一通又戒曰君子之事親養志爲大吾志在道而已苟枉而道三牲五鼎非吾養也疾病不嘗藥時稱知命四子贊質員賞寧之老贊爲御史中丞質右補闕員侍御史賞監察御史皆以守道行誼顯先是韓休家訓子姓至嚴貞元間言家法者尙韓穆二門云

穆贊字相明崔累侍御史分司東都陝號觀察使盧岳妻分貲不及妾子妾訴之中丞盧侶欲重妾罪贊不聽侶與宰相寶參共誣贊受金捕送獄弟賞上寃狀詔三司覆治無之猶出爲郴州刺史參敗召爲刑部郎中對延英擢御史中丞裴延齡判度支屬吏受賕具獄欲曲貸吏贊執不可延齡白贊深交貶饒州別駕久之拜州刺史憲宗立進

氏姓譜

卷百三十二

一星

穆氏

四

宣欵觀察使卒于官贈工部尙書

穆質性強直舉賢良方正條對詳切頗擢至給事中政事得失未嘗不盡言元和時鹽鐵轉運諸院擅繫囚笞掠嚴楚人多死質奏請與州縣吏參決自是不寃後論吐突承瓘不宜爲將憲宗不悅改太子左庶子坐與楊憑善出爲開州刺史卒

穆員字與直工爲文章杜亞留守東都署佐其府早卒兄弟皆和粹世以珍味目之贊少俗然有格爲酪質美而多人爲酥員爲醍醐賞爲乳腐云

宋

穆衍字昌叔河內人徙河中第進士調華池令徙知耀之淳化慶卒嘗戍華池及亂衍母在耀聞其名不敢近諸剽捕兵糧備無給衍請發常平倉給之使者懼得罪衍爭曰

及今不恤吾兵將爲慶卒矣乃亟散之考爲一路課最元
豐中參种諤軍事諤第賞不先死事衍謂非所以勸忠力
争之兵甫入塞未及解甲復詔往靈武援渭慶兩軍衍力
止其行同幕畏罪陽謝曰師不再舉君之力也衍識其意
曰全萬衆之命以一身塞責衍又何恨元祐初議棄熙蘭
衍言蘭棄則關中震唐自失河湟西邊一有不順則警及
京師今二百餘年非先帝英武孰能克復若一旦委之恐
後患如前悔將無及議遂止改陝西轉運判官金戸二部
員外郎熙河分畫未決詔衍往視還言質孤勝如據兩川
美田實彼我必争之地自西關失利遂廢不守請界二壘
之間城李諾平以控要害及他堡皆起亭障以通涇原明
年城成賜名曰定遠三遷左司郎中紹聖初以直秘閣爲
陝西轉運使加直龍圖閣知慶州徙延安轉秦州未行卒

氏姓譜

卷百三十一

一屋

穆氏

二五

年六十三後追錄不棄蘭州議官其二子

穆修字伯長鄆州人幼嗜學不事章句真宗東封詔舉齊

魯經行之士修預選賜進士出身調秦州司理參軍自負

其才與衆齟齬通判忌之使人誣以罪貶池州遇赦得釋

久之補潁州文學參軍徙蔡州修性剛介好論斥時病詆

諂權貴人欲與交輒拒之雖及門故舊亦畏其嚴卞寡合

張知白守亳有豪士作佛寺成知白召修作記記成不書

士名士以白金五百爲壽求載名于記修謝不受曰吾寧

餬口旅寓終不以匪人汚吾文竟投金趣裝去宰相欲識

面將用之修終不往見迎母居京師就養母死負櫬歸葬

日講孝經喪記不爲浮屠事自五代文弊宋興楊億劉筠
尚聲偶之辭學者靡然從之修獨毅然以古文稱蘇舜欽
兄弟多從之游士習始知變古當時號爲能文者必曰穆

參軍明道中卒慶歷中祖無擇訪所著詩書序記誌等數
十首集爲三卷

穆演祖字公有四川天彭人爲衡陽縣尉元將兀良哈入
寇演祖提兵于東岸楊林廟相拒七晝夜卒完衡民李芾
薦知縣事仕至胡北提刑

明

穆榮洪武三年以儒士舉知金谿時賦額未定丈量田土
分疆界定租額民永賴焉

穆相字伯寅三原人正德進士受沂水令外書六事內書
四知以自勵政績卓聞陞監察御史以身任事抗言直諫
人稱強御史

穆世傑字文英涇陽人正德進士明春秋兼通法律授江
西樂安知縣平桃源洞賊以功蔭子爲千戶

氏姓譜

卷百三十一

一屋

穆氏

三

穆彥良居華亭集賢里永樂初領鄉薦授太原府訓導歷
霸州蕭山教授三十載奉身清約退老歸家杜門簡出鄉
黨尊重年八十一卒

歷代列女

穆氏婦武平衛百戶穆榮妻姓武氏適榮未期而寡所親
勸之他適武持刀刎頸血濺滿衣家人救之得不死年九
十餘卒

穆氏偃師縣庠生劉槃妻年二十四夫故家甚艱難姑老
生子甫三歲是時俯仰罔託或勸其他適誓死不二後早
蝗相繼食糟糠節益堅詔賜旌表

穆氏婦君英妻姓王氏海寧人姑王氏病噎幾危氏割股
調藥姑病獲全時王年甫二十

卜氏

周禮卜人氏也魯有卜楚邱晉有卜偃楚有卜徒父皆以卜命之其後遂以爲氏如仲尼弟子卜商之徒是也又須卜氏改爲卜氏虜姓也宋有尙書郎卜伸會稽人望出西河武陵河南

歷代名賢

圖

卜商字子夏衛人少孔子四十四歲習于詩能誦其義以文學著名爲人性不宏好論精微時人無以尙之孔子問居于夏侍子夏曰敢問詩云凱弟君子民之父母尙如斯可謂民之父母矣孔子曰夫民之父母乎必達于禮樂之原以致五至而行三無以橫于天下四方有敗必先知之此之謂民之父母矣子夏曰民之父母旣得而聞之矣敢問何謂五至孔子曰志之所至詩亦至焉詩之所至禮亦

氏姓譜

卷百三十一

一星

卜氏

七

至焉禮之所至樂亦至焉樂之所至哀亦至焉哀樂相生是故正明目而視之不可得而見也傾耳而聽之不可得而聞也志氣塞乎天地此之謂五至子夏曰五至旣得而聞之矣敢問何謂三無孔子曰無聲之樂無體之禮無服之喪此之謂三無子夏曰三無旣得畧而聞之矣敢問何詩近之孔子曰夙夜基命宥密無聲之樂也威儀棣棣不可選也無體之禮也凡民有喪匍匐救之無服之喪也子夏曰言則大矣美矣盛矣言盡於此而已乎孔子曰何爲其然也君子之服之也猶有五起焉子夏曰何如孔子曰無聲之樂氣志不違無體之禮威儀遲遲無服之喪內恕孔悲無聲之樂氣志旣得無體之禮威儀翼翼無服之喪施及四國無聲之樂氣志旣從無體之禮上下和同無服之喪以畜萬邦無聲之樂日聞四方無體之禮日就月將

無服之喪純德孔明無聲之樂氣志既起無體之禮施及四海無服之喪施于孫子子夏曰三王之德參于天地敢問何如斯可謂參于天地矣孔子曰奉三無私以勞天下子夏曰敢問何謂三無私孔子曰天無私覆地無私載日月無私照奉斯三者以勞天下此之謂三無私其在詩曰帝命不違至于湯齊湯降不遲聖敬日躋昭假遲遲上帝是祇帝命式于九圍是湯之德也天有四時春夏秋冬風雨霜露無非教也地載神氣神氣風霆風霆流形庶物露生無非教也清明在躬志氣如神者欲將至有開必先天降時雨山川出雲其在詩曰嵩高維嶽峻極于天維嶽降神生甫及申維甫及申維周之翰四國于蕃四方于宣此文武之德也三代之王也必先其令聞詩云明明天子令聞不已三代之德也弛其文德協此四國大王之德也子

氏姓譜

卷百三十二

一屋

卜氏

元

夏蹶然而起負墻而立曰弟子敢不承乎子夏問曰三年之喪卒哭金革之事無辟也者禮與初有司與孔子曰夏后氏之喪既殯而致事殷人既葬而致事記曰君子不奪人之親亦不可奪親也子夏曰金革之事無辟也者非與孔子曰吾聞諸老聃曰昔者魯公伯禽有爲爲之也今以三年之喪從其利者吾弗知也子夏問于孔子曰居父母之仇如之何夫子曰寢苦枕干不仕弗與其天下也遇諸市朝不反兵而鬪曰請問居昆弟之仇如之何曰仕弗與共國街君命而使雖遇之不鬪曰請問居從父昆弟之仇如之何曰不爲魁主人能則執兵而陪其後子夏問書大義子曰吾于帝典見堯舜之聖焉于大禹皋陶謨益稷見禹稷皋陶之忠勤功勳焉于洛誥見周公之德焉故帝典可以觀美大禹稷皋陶貢可以觀事皋陶謨益稷可以觀政

洪範可以觀度秦誓可以觀義五誥可以觀仁甫刑可以觀誠通斯七者則書之大義舉矣子夏讀詩已畢夫子問曰爾亦可言于詩矣子夏對曰詩之于事也昭昭乎若日月之光明燎燎乎如星辰之錯行上有堯舜之道下有三王之義弟子不敢忘雖居蓬戶之中彈琴以詠先王之風有人亦樂無人亦樂亦可發憤忘食詩曰衡門之下可以棲遲泌之洋洋可以療饑夫子造然變容曰嘻吾子始可以言詩已矣然子以見其表未見其裏闕其門不入其中安知其奧藏之所在乎子夏問曰闕雖何以爲國風始也孔子曰闕雖至矣乎夫闕雖之人仰則天俯則地幽幽冥冥德之所藏紛紛涕涕道之所行大哉闕雖之道萬物之所繫羣生之所懸命也河洛出書圖麟鳳翔乎郊不由闕雖之至則闕雖之事將奚由至矣哉天地之間生民之屬

氏姓譜

卷百三十二

一屋

卜氏

元

王道之原不外此矣子夏喟然歎曰大哉闕雖乃天地之基也子夏見曾子曾子曰何肥也曰戰勝故肥也曾子曰何謂也子夏曰吾入見先王之義則榮之出見富貴之樂又榮之兩者戰于胸中未知勝負故曜今先王之義勝故肥孔子曰吾死之後商也日益賜也日損曾子曰何謂也子曰商也好與賢已者處賜也悅不若已者處不知其地視其父不知其人視其友不知其君視其所使不知其地視其草木故曰與善人處如入芝蘭之室久而不聞其香與不善人居如入鮑魚之肆久而不聞其臭與之化矣是以君子必慎其所處者焉孔子曰商汝知君之爲君子乎夏曰魚失水則死水失魚猶爲水也孔子曰商知之矣子夏曰君子漸于飢寒而志不懈鏗于五兵而辭不懼臨大事不忘昔席之言又曰日習則學不怠自勉則身不墮

聞天下之大言則志益廣孔子既没子夏西河教授爲魏
文侯師子夏喪其子而喪其明曾子吊之曰吾聞之也朋
友喪明則哭之曾子哭子夏亦哭曰天乎予之無罪也曾
子怒曰商汝何無罪也吾與女事夫子于洙泗之間退而
老于西河之上使西河之民疑女于夫子爾罪一也喪爾
親使民未有聞焉爾罪二也喪爾子喪爾明爾罪三也而
曰爾何無罪與子夏投其杖而拜曰吾過矣吾過矣吾離
羣而索居亦已久矣

漢

卜式河南人也以田畜爲事有少弟弟壯式脫出身獨取
畜羊百餘田宅財物盡與弟式入山牧十餘年羊致千餘
頭買田宅而弟盡破其產式輒復分與弟者數矣時漢方
事匈奴式上書願輸家財半助邊上使使問式欲爲官乎

氏姓譜

卷百三十二

一屋

卜氏

三

式曰自少牧羊不習仕宦不願也使者曰家豈有冤欲言
事乎式曰臣生與人無所爭邑人貧者貸之不善者教之
所居人皆從式式何故見冤使者曰子何欲式曰天子誅
匈奴愚以爲賢者宜死節有財者宜輸之如此而匈奴可
滅也使者以聞上以語丞相宏宏曰此非人情不軌之臣
不可以爲化而亂法願陛下勿許上不報數歲乃罷式式
歸復田收歲餘會渾邪等降縣官費衆倉府空貧民大徙
仰給縣官無以盡贍式復持錢二十萬與河南太守以給
徙民河南上富人助貧民者上識式姓名曰是固前欲輸
其家半財助邊乃賜式外繇四百人式又盡復與官是時
富豪皆爭匿財惟式尤欲助費上於是以式終長者乃召
拜式爲中郎賜爵左庶長田十頃布告天下尊顯以風百
姓初式不願爲郎上曰吾有羊在上林中欲令子牧之式

式既爲郎布衣草躡而牧羊歲餘羊肥息上過其羊所善之式曰非猶羊也治民亦猶是矣以時起居惡者輒去毋令敗羣上奇其言欲試使治民拜式緱氏令緱氏便之遷成皋令將漕最上以式朴忠拜爲齊王太傅轉爲相會呂嘉反式上書曰臣聞主媿臣死羣臣宜盡死節其駑下者宜出財以佐軍如是則強國不犯之道也臣願與子男及臨苗習弩博昌習船者請行死之以盡臣節上賢之下詔曰朕聞報德以德報怨以直今天下不幸有事郡縣諸侯未有奮由直道者也齊相雅行躬耕隨牧蓄番輒分昆弟更造不爲利感日者北邊有興上書助官往年西河歲惡率齊人入粟今又首奮雖未戰可謂義形於內矣其賜式爵闕內侯黃金四百斤田十頃布告天下使明知之元鼎中徵式代石慶爲御史大夫式旣在位言郡國不便鹽鐵

氏姓譜

卷百三十二

一星

卜氏

三

而船有算可罷上由是不悅式明年當封禪式又不習文章貶秩爲太子太傅以兒寬代之式以壽終

四

卜瑛字子玉旬奴後部人也少好讀易郭璞見而歎曰吾所弗如也奈何不免兵厄瑛曰然吾大厄在四十一位爲卿將當受禍耳不爾者亦爲猛獸所害吾亦未見子之令終也璞曰吾禍在江南甚營之未見免兆雖然在南猶可延期住此不過時月瑛曰子勿爲公吏可以免諸璞曰吾不能免公吏猶子之不能免卿將也瑛曰吾此雖當有帝王子終不復奉二京矣琅邪可奉卿謹奉之主晉祀者必此人也瑛遂隱于龍門山劉元海僭號徵爲大司農侍中固以疾辭元海曰人各有心卜瑛之不欲在吾朝何異高祖四公哉可遂其高志後復徵爲光祿大夫瑛謂使者曰

非吾死所也及劉聰嗣偽位徵爲太常時劉琨據并州聰問何時可平琇答曰并州陛下之分今茲寇之必矣聰戲曰朕欲勞先生一行可乎琇曰臣所以來不及裝者正爲是行也聰大悅署琇使持節平北將軍將行謂其妹曰此行也死自吾分後慎勿紛紜及攻晉陽爲琨所敗琇率先奔爲其元帥所殺

卜靜字元風吳縣人與同郡陸遜比肩齊聲終刻令

南

卜天與吳興餘杭人也父名祖宋武聞其有幹力召補隊主從征伐封關中侯歷二縣令天與善射弓力兼倍容貌嚴毅笑不解顏文帝以其舊將使教皇子射元嘉二十九年爲廣威將軍領左細仗元凶入弒事變倉卒舊將羅謙徐牢皆望風屈謝天與不暇被甲執刀持弓疾呼左右出

氏姓譜 卷百三十一 一星 卜氏 三

戰徐牢曰殿下入汝欲何爲天與罵曰殿下常來去云何卽時方作此語只汝是賊手射劔于東堂幾中逆徒擊之臂斷乃見殺其隊將張宏之朱道欽陳滿與天與同出拒戰并死孝武卽位贈天與龍驤將軍益州刺史諡曰壯侯車駕臨哭宏之等各贈郡守給天與家長廩子伯宗殿中將軍明帝泰始初領幢擊南賊于楮圻戰沒

卜吉嘗爲上元令安和不擾公餘之暇輒閉戶讀書而政事亦辦在職數年民懷思之

元

卜天璋字君璋洛陽人父世昌仕金爲河南孔目官憲宗南征率衆欸附授真定路管民萬戶籍河北民徙河南者三千餘人俾專領之遂家於天璋少負氣世祖至元中爲

南京府史河南副使陳思廉察其賢辟爲憲史後爲中臺
掾有侍御史素貪冒御史發其贓天璋主文牘未及奏顧
爲所譖同被逮御史對食悲哽天璋曰死職義也奈何爲
兒女子泣邪御史慙謝俄見免丞相順德王當國擢掾中
書爲提控事有可否必力辨他相怒天璋言不置王竟從
其議且曰掾能是吾復何憂成宗大德間爲工部主事蔚
州有劉帥者豪奪民產吏不敢決省檄天璋往訊帥服田
竟歸民尋遷刑部郎中適盜賊充斥時議犯者并家屬咸
服青衣中以別民伍天璋曰赭衣塞路秦弊也尙足法邪
議乃止仁宗召入見時興聖太后在座帝指曰此不貪賄
卜天璋也因問今何官對曰臣待罪郎中復問誰薦者對
曰臣不才誤蒙擢用不知所薦帝曰先朝以謝仲和爲尙
書卿爲郎中皆朕親薦也皇慶初出爲歸德知府勸農興

民姓譜

卷百三十二

一星

卜氏

三

學復河渠民始免河患以更田制改饒州路總管既至聽
民自實事無苛擾版籍以清火延饒之東門天璋具衣冠
向火再拜勢遂熄鳴山有虎爲暴後文山神立捕獲之以
治行第一擢廣東道廉訪使先是豪民瀕海築堰專商舶
射利有司以賂置不問天璋至發卒決去之嶺南地常煥
至是始冰人謂政化所感尋乞致仕歸文宗天歷二年蜀
兵起荆楚大震復拜山南道廉訪使或疑其老不果行天
璋曰國步方艱吾年八十恒懼弗獲死所敢避難乎遂行
時穀價翔湧乃下令招集且勿損價于是四方舟車爭至
米價頓減會詔三品官言時政因列上十二事凡數萬餘
言目曰中興濟治策以老引去歸汴出餘祿以施族黨家
無甌儲處之晏如也卒贈河南郡侯諡正獻

明

卜萬爲大寧守將都指揮燕兵襲大寧與都督劉真陳亨帥兵扼松亭關亨欲降燕畏萬不敢發燕行反間貽萬書盛稱萬極詆亨厚賞所獲大寧卒緘書衣中俾密與萬故使同獲卒見之亦縱去而不與賞不得賞者發其事真亨獲卒衣得書遂執萬下獄死籍其家萬忠勇而死于間論者惜之

卜謙字宗讓穎上人領永樂辛卯鄉薦授工科給事中嘗從皇太孫南京監國忠于輔導值內外艱廬墓劄六載宣德間以給事中直文華殿嘗陳十事見嘉納陞陝西僉事正統中陞山東副使

卜吉桐鄉人天順二年貢士任崇安縣訓導陞武陵縣學教諭行誼重于一鄉年九十五而卒

卜馬祥永清人成化中任岳州衛指揮同知湖賊陷洞庭

氏姓譜

卷百三十一

一星

卜氏

三

奮身督戰死之

歷代列女

卜氏孝廉周宗舜之婦也乙酉八月十五日陝川被兵孝廉不顧家死氏聞變曰夫必死矣妻當死夫子當死父遂攜其幼子及二妾衣紫衣溺死後園清羅池內次日族人舉其尸三人相抱伊子而出其面如生一時全家婢女及親族婦女來避從死者四十八人

木氏

端木賜之後因避仇改爲木氏晉文章志有木並作海賦爲太尉楊駿主簿又有木槩著戰國策春秋二十卷見七錄又百濟人姓其五曰木氏宋熙寧登科木爰開封府人崇寧木輅溫州人

歷代名賢

南
木德信少孤過姊家爲雞黍而不受後爲三府長史名播異域

木待問字蘊之永嘉人隆興初進士第一爲太子詹事累官至禮部尙書卒贈少師

木樞字濟之濟南人建炎登第累官浙東帥府參謀終右朝請大夫居官皆有惠政民甚德之

木輒瑞安人元符進士京西提舉

木輓瑞安人崇寧進士知贛州

木齒連江人慶元五年特奏名

木天駿字德遠瑞安人父礪紹興進士天駿登嘉熙第教授永州發明張南軒學以淑諸生課講嚴整士論允愜調

氏姓譜

卷百三十二

一星

木氏

三五

福建帳司知閩縣閩號劇邑有政聲子元思在太學衆推其文行蓋不墜夫先業云

木景方瑞安人資稟純厚受書于朱文寔得朱熹微旨爲文典雅足式後進洪武初舉爲縣學訓導復以明經薦于朝試陽舒陰慘論稱旨授國子監學錄自祭酒以下咸愛重之所淑俊父居多陞助教卒于官

木寅洪武初歸善知縣長于撫字民甚德之

木訥錢塘人永樂辛卯浙江解元

湘鄉 蕭智漢雲澤氏纂輯

男秉信明甫氏校

入聲

沐氏

漢沐寵為東平太守狀云端木賜之後避難改為沐氏

歷代名賢

國

沐並字德信河間人少孤苦袁紹父子時始為名吏有志
介嘗過姊姊為殺雞炊黍而不留為人公果不畏強禦丞
相召署軍謀掾黃初中為成皋令後放散十餘年至正始
中為三府長史時吳使朱然諸葛瑾攻圍樊城遣船兵于
峴山東斫林牂牁人兵作食有先熟者呼後熟者言其飲
氏姓譜 卷百三十三 一屋 沐氏

明

食來後熟者答言不也呼者曰汝欲作沐德信邪其名流
布播于異域如此雖自華夏不知者以為前世人也為長
史八年晚出為濟陰太守召還拜議郎年六十餘自慮身
無常豫乃作終制誡其子以儉葬嘉平中病甚臨困又敕
豫掘塹戒氣絕令二人舉屍即塹絕哭泣之聲止婦女之
送禁吊祭之賓無設搏治粟米之奠又戒後亡者不得入
藏不得封樹妻子皆遵之

沐英字文英定遠人少孤從母避兵母又死太祖與孝慈
皇后隣之撫為子從朱姓年十八授帳前都尉守鎮江稍
遷指揮使守廣信已從大軍征福建破分水關畧崇安別
破閩溪十八寨縛馮谷保始命復姓移鎮建寧節制邵武
延平汀州三衛尋遷大都督府僉事進同知府中機務繁

積英年少明敏剖決無滯后數稱其才帝亦器重之洪武九年命乘傳詣闕陝抵熙河問民疾苦事有不便更置以聞明年充征西副將軍從衛國公鄧愈討吐番西畧川藏權兵崑崙功多封開國輔運推誠宣力武臣榮祿大夫柱國西平侯食祿二千五百石予世券明年拜征西將軍討西番敗之土門峽徑洮州獲其長阿昌失納築城東籠山擊禽酋長三副使癭唎子等平朶甘納兒七站拓地數千里俘男女二萬雜畜二十餘萬乃班師元國公脫火赤等屯和林數擾邊十三年命英總陝西兵出塞畧亦集乃路渡黃河登賀蘭山涉流沙七日至其境分四翼夜擊之而自以驍騎衝其中堅禽脫火赤及知院愛足等獲其全醜以歸明年又從大將軍北征異道出塞畧公主山長寨虜全寧四部渡臚胸河執知院李宣盡俘其眾尋拜征南右

氏姓譜

卷百三十三

一屋

沈氏

二

副將軍同永昌侯藍玉從將軍傅友德取雲南元梁王遣平章達里麻以兵十餘萬拒于曲靖英乘霧趨白石江霧霽兩軍相望達里麻大驚友德欲渡江英曰我兵罷懼爲所扼乃帥諸軍嚴陳若將渡者而奇兵從下流濟出其陳後張疑幟山谷間人吹一銅角元兵驚擾英急麾軍渡江以善泗者先之長刀斫其軍軍却師畢濟鏖戰良久復縱鐵騎遂大敗之生禽達里麻僵屍十餘里長驅入雲南梁王走死右丞觀音保以城降屬郡皆下獨大理倚點蒼山洱海扼龍首龍尾二關關故南詔築土酋段世守之英自將抵下關遣王弼由洱水東趨上關胡海由石門間道渡河拔點蒼山而上立旗幟英亂流斬闕進山上軍亦馳下夾擊禽段世遂拔大理分兵收未附諸蠻設官立衛守之回軍與友德會滇池分道平烏撒東川建昌芒部諸蠻立

烏撒畢節二衛土酋楊苴等復煽諸蠻二十餘萬圍雲南
城英馳救蠻潰竄山谷中分兵捕滅之斬級六萬明年詔
友德及玉班師而留英鎮滇中十七年曲靖亦佐酋作亂
討降之因定普定廣南諸蠻通田州糧道二十年平浪穹
蠻奉詔自永寧至大理六十里設一堡留軍屯田明年百
夷思倫發叛誘羣蠻入寇摩沙勒寨遣都督甯正擊破之
二十二年思倫發復寇定邊衆號三十萬英選騎三萬馳
救置火礮勁弩爲三行蠻毆百象被甲荷欄楯左右挾大
竹爲筒筒置標鎗銳甚英分軍爲三都督馮誠將前軍甯
正將左都指揮同知湯昭將右將戰令曰今日之事有進
無退因乘風大呼礮弩並發象皆反走昔刺亦者寇梟將
也殊死鬪左軍小却英登高望之取佩刀命左右斬帥首
來左帥見一人握刀馳下恐奮呼哭陣大軍乘之斬馘四

氏姓譜

卷百三十三

一屋

沈氏

三

萬餘人生獲三十七象餘象盡殲賊渠帥各被百餘矢伏
象背以死思倫發遁去諸蠻震懼麓川始不復梗已會穎
國公友德討平東川蠻又平越州酋阿資及廣西阿赤部
是年冬入朝賜宴奉天殿賚黃金二百兩白金五千兩鈔
五百錠綵幣百疋遣還陛辭帝親拊之曰使我高枕無南
顧憂者沐英也還鎮再敗百夷于景東思倫發乞降貢方
物阿資又叛擊降之南中悉定使使以兵威諭降諸番
部有重譯入貢者二十五年六月閩皇太子薨哭極哀初
高皇后崩英哭至嘔血至是感疾卒于鎮年四十八軍民
巷哭遠夷皆爲流涕歸葬京師追封黔寧王謚昭靖侑享
太廟英沉毅寡言笑好賢禮士撫卒伍有恩未嘗妄殺在
滇百務具舉簡守令課農桑歲較屯田增損以爲賞罰墾
田至百萬餘畝滇池隘浚而廣之無復水患通鹽井之利

以來商旅辦方物以定貢稅視民數以均力役疎節濶且民以便安居常讀書不釋卷暇則延儒生講說經史太祖之初起時數養他姓爲子攻下郡邑輒遣之出守多至二十餘人惟英在西南勳最大子春晟昂皆鎮雲南駙馬都尉尚成祖女常寧公主

沐春字景春材武有父風年十七從英征西番又從征雲南又平江西寇皆先登積功授後軍都督府僉事羣臣請試職帝曰兒我家人勿試也遂予實錄嘗命錄烈山囚又命鞠叛黨于蔚州所開釋各數百人英卒命嗣爵鎮雲南洪武二十六年維摩十一寨亂遣瞿能討平之明年平越萬蠻立瀾滄衛其冬阿資復叛與何福討之春曰此賊積年逋誅者以與諸土酋姻婭輾轉亡匿今悉發諸酋從軍糜繫之而多設營堡制其出入授首必矣遂趨越州分道

氏姓譜

卷百三十三

一屋

沐氏

四

逼其城伏精兵道左以羸卒誘賊縱擊大敗之阿資亡山谷中春陰結傍近土官調知所在樹壘斷其糧道賊困甚已出不意擣其巢遂禽阿資竝誅其黨二百四十八越州遂平廣南酋儂貞佑糾黨蠻拒官軍破禽之俘斬千計寧遠酋刀拜爛依交趾不順命遣何福討降之三十年麓州宣慰使思倫發爲其屬刀幹孟所逐來奔春挾與俱朝受上方畧遂拜春爲征虜前將軍帥何福徐凱討之先以兵送思倫發于金齒檄幹孟來迎不應乃選卒五千令福與瞿能將踰高良公山直擣南甸大破之斬其酋刀名孟回軍擊景罕寨賊乘高堅守官軍糧且盡福告急春帥五百騎救之夜渡怒江旦抵寨下令騎騁揚塵蔽天賊大驚潰乘勝擊崆峒寨亦潰前後降者七萬人將士欲屠之春不可幹孟乞降帝不許命春總滇黔蜀兵攻之未發而春卒

年三十六謚惠襄春在鎮七年大修屯政闢田三十餘萬畝鑿鐵池河灌宜良涸田數萬畝民復業者五千餘戶爲立祠祀之無子弟晟嗣

沐晟字景茂少機重寡言笑喜讀書太祖愛之歷官後軍左都督建文元年嗣侯比就鎮而何福已破擒刀幹孟歸思倫發亡何思倫發死諸蠻分據其地晟討平之以其地爲三府三州五長官司又于怒江西置屯衛千戶所戍之麓川遂定初岷王封雲南不法爲建文帝所囚成祖卽位遣歸藩益驕恣晟稍持之王怒譖晟帝以王故詔誠晟貽書岷王稱其父功毋督過永樂三年八百大甸寇邊邊貢使晟會車里木邦討定之明年大發兵討交趾辟晟征夷左副將軍與大將軍張輔異道自雲南入遂由蒙自徑野蒲斬木通道奪猛烈棚華諸關隘昇舟夜出洮水渡富良氏姓譜

卷百三十三

一屋 沐氏

五

江與輔會師共破多邦城擣其東西二都盪諸巢禽僞王黎季犛論功封黔國公歲祿三千石予世券交趾簡定復叛命晟佩征夷將軍印討之戰生厥江敗績輔再出師師合討禽定送京師輔還晟留捕陳季擴連戰不能下輔復出帥師會晟窮追至占城獲季擴乃班師晟亦受上賞十七年富州蠻叛晟引兵臨之弗攻使人警曉竟下之仁宗立加太傅鑄征南將軍印給之沐氏繼鎮者輒予印以爲常宣德元年交趾黎利勢熾詔晟會安遠侯柳升進討升敗死晟亦退兵羣臣交劾晟帝封其章示之正統三年麓川思任發反晟抵金齒與弟昂及都督方政會兵政爲前鋒破賊沿江諸寨大軍逐北至高黎共山下再破之明年復破其舊寨政中伏死官軍敗績晟引還慙懼發病至楚雄卒贈定遠王謚忠敬晟席父兄業用兵非所長戰數不

利朝廷以其絕遠且世將寬假之而滇人懼晟父子威信莊事如朝廷片楮下土酋具威儀出郭迎盟而後啟曰此令旨也晟久鎮置田園三百六十區資財充物善事朝貴賂遺不絕以故得中外聲晟有子斌字文輝幼嗣公爵居京師而以昂代鎮

沐昂字景高初爲府軍左衛指揮僉事成祖將使沐晟南討乃擢昂都指揮同知領雲南都司累遷至右都督正統四年佩將印討麓川抵金齒畏賊盛遷延者久之參將張榮前驅至芒部敗昂不救引還貶秩二級已思任發入寇擊却之又捕斬師宗反者六年兵部尚書王驥定西伯蔣貴將大軍討思任發昂主餽運賊破復昂職命督軍捕思任發不能得十年昂卒贈定邊伯諡武襄斌始之鎮會緬甸執思任發送京師其子思機發來襲斌擊却之思機發

氏姓譜

卷百三十三

一屋

沐氏

六

復據孟養十三年復大發兵使驥等討之而斌爲後拒督餉無乏卒贈太傅諡榮康子琮幼景泰初命昂孫璘以都督同知代鎮璘字廷章素儒雅滇人易之旣而號令肅然不可犯天順初卒琮猶幼擢璘弟錦衣副千戶瓚爲都督同知往代居七年先後討平霑祿諸寨及土官之構兵者降思任發勒還諸蠻侵地功多然頗贖貨成化三年春琮始之鎮而以瓚爲副總兵移鎮金齒琮字廷芳通經義能詞章屬夷餽贄無所受尋甸酋殺兄子求爲守琮捕誅之廣西土官虐所部爲亂琮請更設流官民大便以次討平馬龍麗江劍川順寧羅雄諸叛蠻捕禽橋甸南窩反者卒贈太師諡武僖無子以瓚孫崑嗣崑字元中初襲錦衣指揮僉事琮撫爲子朝議以崑西平侯裔孫當嗣侯而守臣爭之謂滇人知黔國公不知西平侯也侯之恐爲所輕孝

宗以爲然令嗣公佩印如故宏治十二年平龜山竹箐諸蠻又平普安賊再益歲祿正德二年師宗民阿本作亂與都御史吳文度督兵分三道進一出師宗一出羅雄一出彌勒而別遣一軍伏盤江截賊巢遂大破之七年安南長官司那代爭襲殺土官復與都御史顧源討禽之再加太子太傅崑初喜文學自矜厲其後通賂權近所請無不得凌驕凌三司使從角門入諸言官論劾者輒得罪去卒贈太師謚莊襄子紹勛嗣尋甸土舍安銓叛都御史傅習討之敗績武定土舍鳳朝文亦叛與銓連兵攻雲南大擾世宗遣尚書伍文定將大軍征之未至而紹勛督所部先進告土官子弟當襲者先予剋帶破賊後當爲請衆多奮戰賊大敗朝文絕普渡河走追斬之東川銓還尋甸列岩數十官軍攻破之禽銓于芒部先後禽賊黨千餘人俘斬無

氏姓譜

卷百三十三

一屋

沐氏

七

算時嘉靖七年也提聞加太子太傅益歲祿而是時老搃木邦孟養緬甸孟密相仇殺師宗納樓思佗八寨皆亂久不解紹勛使使者徧歷諸蠻諷以武定尋甸事皆偕伏願還侵地而木邦孟養俱貢方物謝罪南中悉定紹勛有勇畧用兵輒勝卒贈太師謚敏靖子朝輔嗣都御史劉渠索賂朝輔與之因上章言臣家世守茲土上下相承今有司紛更典制闕臣職守率不與聞接見不循故例臣疎遠孤危動作掣肘無以彈壓蠻方乞申救諸臣悉如其舊詔許之給事中萬虞愷劾朝輔並論渠詔罷渠而令朝輔治事如故卒贈太保謚恭僖二子融鞏皆幼詔視琮璘故事令融嗣公給半祿而授朝輔弟朝弼都督僉事佩印代鎮居三年融卒鞏當嗣朝弼心害之於是朝弼嫡母李請護鞏居京師待其長而還鎮報可鞏未至京卒朝弼遂得嗣處

靖三十年元江土舍那鑑叛詔朝弼與都御史石簡討之分五軍薄其城城垂拔以瘴發引還詔罷簡將再出師鑑懼仰藥死乃已四十四年討禽叛蠻阿方李向陽隆慶初平武定叛酋鳳繼祖破賊巢三十餘朝弼素驕事母嫂不如禮奪兄田宅匿罪人蔣旭等用調兵火符遣人調京師乃罷朝弼以其子昌祚嗣給半祿朝弼快益放縱莖母至南京都御史請留之詔許還滇母得預滇事朝弼志欲殺昌祚撫按交章言狀並發其殺人通番諸不法事逮繫詔獄論死援功錮之南京卒昌祚初以都督僉事總兵官鎮守久之嗣公爵萬歷元年姚安蠻羅思等叛殺郡守昌祚與都御史鄒應龍發上漢兵討之破向寧鮮摩等十餘寨犁其巢盡得思等十一年隴川賊岳鳳叛附緬甸挾其兵侵旁近土司昌祚壁洱海督裨將鄧子龍劉綎等斬本

氏姓譜

卷百三十三

一屋

沐氏

八

邦叛酋罕虔以暑瘴退師明年復攻罕虔故巢三道並入禽其酋罕招等又破緬兵于猛臉岳鳳降論功加太子太保悉食故祿復以次平羅雄諸叛蠻再賜銀幣緬兵攻猛廣昌祚會師壁永昌緬人遁追擊至那莫江瘴作而還二十一年緬人復入寇昌祚逐之連戰俱捷遂傳于緬會羣蠻內亂乃還沐氏在滇久威權日盛尊重擬親王昌祚出僉事楊寅秋不避道昌祚答其輿人寅秋訴于朝下詔切責已以病命子獻代鎮武定土酋阿克叛攻會城脅府印去獻被逮下獄昌祚復理鎮事卒孫啟元嗣卒子天波嗣十餘年而土司沙定洲作亂天波奔永昌亂定復歸于滇永明王由榔入滇天波任職如故已從奔緬甸緬人欲劫之不屈死初沙定洲之亂天波母陳氏妻焦氏自焚死後天波奔緬妾夏氏不及從自縊死踰數十日收葬支體不

壞以爲節義所感焉

歷代列女

沐氏婦益陽人姓郭氏沐某妻也父都賢爲江西巡撫郭受黔國公子沐某聘世亂未婚鼎革後沐子亡命郭誓不嫁以待之竟不歸後爲尼結庵浮邱山下年八十餘卒

伏氏

風姓伏羲氏之後遂以爲氏與任宿須句顓臾同祖又侯伏氏改爲伏氏望出高陽

歷代名賢

漢

伏生名勝字子賤濟南人也故爲秦博士孝文帝時欲求能治尚書者天下無有乃聞伏生能治欲召之是時伏生年九十餘老不能行於是乃詔太常使掌故晁錯往受之

伏生

卷百三十三

一屋 伏氏

九

秦時焚書伏生壁藏之其後兵大起流亡漢定伏生求其書亡數十篇獨得二十九篇卽以教于齊魯之間齊學者由是頗能言尚書諸山東大師無不涉尚書以教矣伏生教濟南張生及歐陽生張生爲博士而伏生孫以治尚書徵弗能明定是後魯周霸雒陽賈嘉頗能言尚書云

伏湛字惠公琅邪東武人也九世祖勝所謂濟南伏生者

也湛高祖父孺武帝時客授東武因家焉父理爲當世名儒以詩授成帝爲高密太傅別自名學湛性孝友少傳父

業教授數百人成帝時以父任爲博士弟子五遷至王莽時爲繡衣執法使督大姦遷後隊屬正更始立以爲平原

太守時倉卒兵起天下驚擾而湛獨晏然教授不廢謂妻子曰夫一穀不登國君徹膳今民皆飢奈何獨飽乃共食粗糲悉分奉祿以賑鄉里來客者百餘家時門下督素有

氣力謀欲爲湛起兵湛惡其惑衆卽收斬之狗首城郭以示百姓於是吏人信向郡內以安平原一境湛所全也光武卽位知湛名儒舊臣欲令幹任內職徵拜尙書使典定舊制時大司徒鄧禹西征關中帝以湛才任宰相拜爲司直行大司徒事車駕每出征伐常留鎮守總攝羣司建武三年遂代禹爲大司徒封陽都侯時彭寵反于漁陽帝欲自征之湛上疏諫帝覽其奏竟不親征時賊徐異卿等萬餘人據富平連攻之不下惟云願降司徒伏公帝知湛爲青徐所信向遣到平原異卿等卽日歸降護送洛陽湛雖在倉卒造次必于文德以爲禮樂政化之首顛沛猶不可違是歲奏行鄉飲酒禮遂施行之其冬車駕征張步留湛居守時蒸祭高廟而河南尹司隸校尉于廟中爭論湛不舉奏坐策免六年徙封不其侯邑三千六百戶遣就國後

氏姓譜

卷百三十三

一屋

伏氏

十

南陽太守杜詩上疏薦湛十三年夏徵敕尙書擇拜吏日未及就位因讎見中暑病卒賜秘器帝親吊祠遣使者送喪修冢二子隆翕翕嗣爵卒子光嗣光卒子晨嗣晨謙敬博愛好學尤篤以女孫爲順帝貴人奉朝請位特進卒子無忌嗣亦傳家學博物多識順帝時爲侍中屯騎校尉永和元年詔無忌與議郎黃景校定中書五經諸子百家藝術元嘉中桓帝復詔無忌與黃景崔寔等共撰漢記又自采集古今剛著事要號曰伏侯注無忌卒子質嗣官至大司農質卒子完嗣尙桓帝女陽安長公主女爲孝獻皇后曹操殺后誅伏氏國除初自伏生已後世傳經學清靜無競故東州號爲伏不鬪云

伏隆字伯文少以節操立名仕郡督郵建武二年詣懷宮

光武甚親接之時張步兄弟各擁疆兵據有齊地拜隆爲

太中大夫持節使青徐二州招降郡國隆移檄曉示青徐
羣盜得此惶怖獲索賊右師郎等六校卽時皆降張步遣
使隨隆詣關上書獻鰓魚其冬拜隆光祿大夫復使于步
并與新除青州牧守及都尉俱東詔隆輒拜令長以下隆
招懷綏緝多來降附帝嘉其功比之酈生卽拜步爲東萊
太守而劉永亦復遣使立步爲齊王步貪受王爵冗豫未
決隆曉譬曰高祖與天下約非劉氏不王今可得爲十萬
戶侯耳步欲留隆與共守二州隆不聽求得反命步遂執
隆而受永封隆聞遣使上書曰臣隆奉使無狀受執凶逆
雖在困厄授命不顧又吏人知步反畔心不附之願以時
進兵無以臣隆爲念臣隆得生到闕廷受誅有司此其大
願若令沒身尅手以父母昆弟長累陛下陛下與皇后太
子永享萬國與天無極帝得隆奏召父湛流涕以示之曰

氏姓譜

卷百三十三

一屋

伏氏

七

隆可謂有蘇武之節恨不且許而遽求還也其後步遂殺
之時人莫不憐哀焉五年張步平車駕幸北海詔隆中弟
咸收隆喪賜給棺歛太中大夫護送喪事詔琅邪作冢
以子瑗爲郎中

伏恭字叔齊司徒湛之兄子也湛弟黯字稚文以明齊詩
改定章句作解說九篇位至光祿勳無子以恭爲後恭性
孝事所繼母甚謹少傳黯學以任爲郎建武四年除劇令
視事十三年以惠政公廉聞青州舉爲尤異太常試經第
一拜博士遷常山太守敦修學校教授不輟由是北州多
爲伏氏學永平二年代梁松爲太僕四年帝臨辟雍於行
禮中拜恭爲司空儒者以爲榮初父黯章句繁多恭乃省
減浮辭定爲二十萬言在位九年以病乞骸骨罷詔賜千
石奉以終其身十五年行幸琅邪引遇如三公儀建初二

年冬肅宗行饗禮以恭爲三老年九十元和元年卒賜葬顯節陵下子壽官至東郡太守

晉

伏滔字元度平昌安邸人也有才學少知名州舉秀才辟別駕皆不就大司馬桓溫引爲參軍深加禮接每宴集之所必命滔同游從溫伐袁真至壽陽以淮南屢叛著論二篇名曰正淮壽陽平以功封聞喜縣侯除永世令溫薨征西將軍桓豁引爲參軍領華容令太元中拜著作郎專掌國史領本州大中正孝武帝嘗會于西堂滔豫坐還下車先呼于系之謂曰百人高會天子先問伏滔在坐不此故未易得爲人作父如此定何如也遷游擊將軍著作如故卒官子系之亦有文才歷黃門郎侍郎侍中尙書光祿大夫

氏姓譜

卷百三十三

一屋

伏氏

七

南北

伏曼容字公儀會稽晉著作郎父亂之宋司空主簿曼容早孤與母兄客居南海少篤學善老易偶儻好大言常云何晏疑易中九事以吾觀之晏了不學也故知平叔有所短聚徒教授以自業爲驃騎行參軍宋明帝好周易常集朝臣于清暑殿講詔曼容執經曼容素美風采帝恒以方絺叔夜使吳人陸探微畫叔夜像以賜之爲尙書外兵郎嘗與袁粲罷朝會言元理時論以爲一臺二絕昇明末爲輔國長史南海太守至石門作食泉銘齊建元中上書勸封禪高帝以爲其禮難備不從任爲太子率更令侍皇太子講衛將軍王儉深相交好令與河內司馬憲吳郡陸澄共撰喪服義旣成又欲與定禮樂會儉薨建武中入拜中散大夫時明帝不重儒術曼容宅在瓦官寺東施高坐

於廳事有賓客輒升高坐爲講說生徒常數十百人梁臺
建召拜司徒司馬出爲臨海大守天監元年卒官時年八
十三曼容多伎術善音律射馭風角醫算莫不閑了爲周
易毛詩喪服集解老莊論語義

伏暉字元耀曼容子也幼傳父業能言元理與樂安任昉
彭城劉曼俱知名仕齊位東陽郡丞鄆令時曼容已致仕
故頰以外職處暉令得養焉梁武帝踐阼兼五經博士與
吏部尚書徐勉中書侍郎周捨總知五禮事出爲永陽內
史在郡清潔治務安靜郡民何貞秀等一百五十有四人
詣州言狀湘州刺史以聞詔勘有十五事爲吏民所懷帝
善之徙新安太守在郡清恪如永陽時民賦稅不登者輒
以大守田米助之郡多麻苧家人乃至無以爲繩其厲志
如此屬縣始新遂安海寧並同時生爲立祠徵爲國子博

氏姓譜

卷百二十三

一星

伏氏

七

士領長水校尉時始興內史何遠累著清績武帝擢爲黃
門侍郎俄遷信武將軍監吳郡事暉自以名輩素在遠前
爲吏俱稱廉白遠累見擢暉循階而已意望不滿多託疾
居家尋求假到東陽迎妹喪因留會稽築宅自表解職詔
以爲豫章內史暉乃出拜書侍御史虞瞻劾暉有詔勿治
暉遂得就郡徵爲給事黃門侍郎領國子博士未及赴普
通元年卒于郡時年五十九尚書右僕射徐勉爲之墓誌
初暉父曼容與樂安任瑤皆暉于齊太尉王儉瑤子昉及
暉並見知頃之昉才遇稍盛齊末昉已爲司徒左長史暉
猶滯于參軍事及終名位畧相伴暉性儉素車服粗惡能
推薦後來常若不及少年士子或以此依之

伏挺字士標暉子也幼敏悟七歲通孝經論語及長博學
有才思爲五言詩善教謝康樂體父友樂安任昉深相歎

異常曰此子日下無雙齊末州舉秀才對策爲當時第一
梁武帝師至挺迎兩于新林帝見之甚悅謂曰顏子引爲
征東行參軍時年十八天監初除中軍參軍事宅居在潮
溝于宅講論語聽者傾朝挺三世同時聚徒教授罕有其
比累爲晉陵武康令罷縣還仍于東郊築室不復仕挺少
有盛名又善處當世朝中勢素多與交游故不能久事隱
靜後遂出仕除南臺書侍御史因事納賄被劾懼罪遂變
服出家爲僧久之藏匿後遇赦乃出大心寺會邵陵王爲
江州撫挺之鎮王好文義深被恩禮挺不堪蔬素因此還
俗侯景亂中卒著邇說十卷文集二十卷子知命

明 伏伯安洪武末知永壽守已無污撫民有道陞工部侍郎
歷代列女

氏姓譜 卷百二十三 一屋 伏氏 四

伏貞女黃梅人少許聘未婚而夫亡女誓不嫁以養父母
嘗爲母吮疽里人號曰孝女
伏氏婦姓楊氏永寧人伏文貴妻也文貴征交趾死于陣
楊年二十三子成方二歲誓不再嫁天順間旌之

繆氏

繆莫六切音穆與穆同贏姓秦繆公之後亦作穆又音
謬亦作繆亦作穆史記申公傳蘭陵繆生索隱曰繆氏
出蘭陵正字通云今姓繆讀若妙變音非本音也

歷代名賢

繆

繆生蘭陵人楚元王交少時與繆生白生申公授詩于浮
邱伯後元王至楚以生等爲中大夫敬禮之生不嗜酒每
置酒嘗爲設醴及王戊嗣位常設後乃忘設生曰可以逝

矣醴酒不設王之意忘遂去

繆彤字豫公汝南召陵人也少孤兄弟四人皆同產業及各娶妻諸婦遂求分異又數有鬪爭之言彤深懷憤歎乃掩戶自慤曰繆彤汝修身謹行學聖人之法何以齊整風俗奈何不能正其家乎弟及諸婦聞之悉叩頭謝罪遂更爲敦睦之行仕縣爲主簿時縣令被章見考吏皆畏懼自誣而彤獨證據其事掠考苦毒至乃體生蟲蛆因復傳換五獄踰涉四年令卒以自免太守隴西梁湛召爲決曹史安帝初湛病卒官彤送喪還隴西始塋會西羌反叛湛妻于悉避亂它郡彤獨留不去爲起墳冢乃潛穿井旁以爲窟室晝則隱竄夜則負土及賊平而墳已立其妻子意彤已死還見大驚闕西咸稱傳之共給車馬衣資彤不受而歸鄉里辟公府舉尤異遷中牟令縣近京師多權豪彤到

氏姓譜

卷百三十三

一屋

繆氏

五

誅諸姦吏及託名貴戚賓客者百有餘人咸名遂行卒官繆斐字文雅東海人該覽經傳事親色養徵博士六辟公府漢帝在長安公躬博舉名儒時舉斐任侍中並無所就

三國

繆襲字熙伯斐子也有才學多所述叙辟御史大夫府歷事魏四世官至尚書光祿勳正始六年年六十卒子悅字孔憚晉光祿大夫襲孫紹播微亂等竝皆顯達

晉

繆播字宣則父悅光祿大夫播才思清辯有意義高密王泰爲司空以播爲祭酒累遷太弟中庶中惠帝幸長安河間王顒欲挾天子令諸侯東海王越將起兵奉迎天子以播父時故吏委以心膂播從弟右衛率亂顒前妃之弟也越遣播亂詣長安說顒令奉帝還洛約與顒分陝爲伯播

亂素爲顛所敬信既相見虛懷從之顛將張方自以罪重懼爲誅首謂顛曰今據形勝之地國富兵強奉天子以號令誰敢不服顛惑方所謀猶豫不決方惡播亂爲越游說陰欲殺之播等亦慮方爲難不敢復言時越兵鋒甚盛顛深憂之播亂乃復說顛急斬方以謝可不勞而安顛從之於是斬方以謝山東諸侯顛後悔之又以兵距越屢爲越所敗帝反舊都播亦從太弟還洛契澗艱難深相親狎及帝崩太弟卽帝位是爲懷帝以播爲給事黃門侍郎俄轉侍中從中書令任遇日隆專管詔命時越威權自己帝力不能討心甚惡之以播亂等有公輔之量又盡忠于國故委以心膂越懼爲已害因入朝以兵入宮執播等于帝側帝歎曰姦臣賊子無世無之不自我先不自我後哀哉起執播等手涕泗歔歔不能自禁越遂害之朝野憤慨咸曰善人國之紀也而加虐焉其能終乎及越薨帝贈播衛尉祠以少牢

氏姓譜

卷百三十三

一屋

繆氏

六

繆亂字休祖安平獻王外孫也與播各譽畧齊初爲尙書郎後遷太弟左衛率轉魏郡太守及王浚軍逼鄴石超等大敗亂奔東海王越于徐州越使亂與播俱入關而所說得行大駕東還越以亂爲冠軍將軍南陽太守亂從藍田出武關之南陽前守衛展距亂不受亂乃還洛懷帝卽位拜亂左衛將軍轉散騎常侍太僕卿旣而與播及帝舅王延尙書何綏太史令高堂冲並參機密臣東海王越所害

宋

繆主二字天隱永嘉人爲太學生嘗上書攻賈似道宋亡

隱居教授所著有易精蘊論學軌範等書

繆元德知撫州儉以足用寬以愛民建和糶倉糴米存活

飢民收掩遺骸悉出已俸

繆朝宗淮陰人環衛官知梅州有忠義嘗從文天祥於平江天祥歸福安自婺間道以從精練幹實孜孜奉公軍府器械悉出其手空坑之敗自經于山間

繆鑑字君寶其先汴人靖康之難扈蹕南渡因居江陰鑑居城東之瓠岱就讀書史躬行孝弟樂施與既沒有效顰集行于世

元

繆倫字叔彝東平人當淮兵亂執其父將殺之倫哀號乞免弗聽願盡傾家資贖父命又弗聽乃自縛請以身代賊殺之而釋其父

明

繆大亨元遠人初糾義兵為元攻濠不克元兵潰大亨獨

氏姓譜

卷百三十三

一屋

繆氏

七七

以眾二萬人與張知院屯橫澗山固守月餘太祖以計夜襲其營破之大亨與子走免比明復收散卒列陣以待太祖遣其叔貞諭降之命將所部從征數有功擢元帥總兵取揚州克之降青軍元帥張明鑑初明鑑聚眾淮西以青布為號稱青軍又以善長鎗稱長鎗軍由含山轉掠揚州元鎮南王孛羅普化招降之以為濠泗義兵元帥踰年食盡謀擁王作亂王走死淮安明鑑遂據城屠居民以食大亨言于太祖賊飢困若掠食四出則難制矣且驍鷲可用無為他人得太祖命大亨急攻明鑑降得眾數萬馬二千餘匹悉送其將校妻子至應天改淮海翼元帥府為江南分樞密院以大亨為同僉樞密院事總制揚州鎮江大亨有治畧寬厚不擾而治軍嚴肅禁暴除殘民甚悅之未幾卒太祖過鎮江歎曰繆將軍生平端直未嘗有過惜不見

矣遣使祭其墓

繆昌期字當時江陰人爲諸生有盛名舉萬歷四十一年進士改庶吉士年五十有二矣有同年生忌之揚言爲于玉立所薦自是有東林之目張差擬擊事劉廷元倡言瘋癲劉光復和之疏言發訐者謂不當詫之爲奇貨居之爲元功昌期憤語朝士曰奸徒狙擊青官此何等事乃以瘋癲二字庇天下亂臣賊子以奇貨元功四字沒天下忠臣義士哉廷元輩聞其語深疾之給事中劉文炳劾大學士吳道南遂陰詆昌期時方授檢討文炳再疏顯攻昌期卽移疾去旣而京察廷元輩復思中之學士劉一燝力持乃免天啟元年還朝一燝以次輔當國其冬首輔葉向高壘小人間一燝於向高謂欲沮其來向高不悅會給事中孫杰承魏忠賢指劾一燝及周嘉謀忠賢遽傳旨允放昌期

氏姓譜

卷百三十三

一星

繆氏

六

急詣向高力言二人顧命重臣不可輕逐內傳不可奉向高怫然曰上所傳何敢不奉昌期曰公三朝老臣始至之日以去就力爭必可得也若一傳而放兩大臣異日天子手滑不復可止矣向高默然昌期因備言一燝質直無他賜向高意少解會顧大章亦爲向高言之一燝乃得善去兩人故向高門下士也昌期尋遷左贊善進諭德楊漣劾忠賢疏上昌期適過向高向高曰楊君此疏太率易其人于上前時有匡正鳥飛入宮上乘梯手攬之其人挽衣不得上有小璫賜緋者叱曰此非汝分雖賜不得衣也其強直如此是疏行安得此小心謹慎之人在上左右昌期愕然曰誰爲此言以誤公可斬也向高色變昌期徐起去語聞于漣漣怒向高亦內慙密具揭請帝允忠賢辭忠賢大慚會有言漣疏乃昌期代草者忠賢遂深怒不可解及向

高去韓續秉政忠賢逐越南星高攀龍魏大中及漣左光斗續皆具揭懇留忠賢及其黨謂昌期實左右之而昌期於諸人去國率送之郊外執手大息由是忠賢益恨昌期知勢不可留具疏乞假遂落職間住五年春以汪文言獄詞連及削職提問忠賢恨不置明年二月復于他疏責昌期已削籍猶冠蓋延賓令縱騎逮問踰月復入之李實疏中下詔獄昌期慷慨對簿詞氣不撓竟坐贓三千五百備至四月晦斃于獄莊烈帝卽位贈詹事兼侍讀學士錄其一子詒并予諡

繆希雍常熟人精通醫術治病多奇中常謂本草出于神農朱氏譬之五經其後又復增補別錄譬之註疏惜硃墨錯互乃沈研剖析以本經爲經別錄爲緯著本草單方一書行于世

氏姓譜

卷百三十三

一屋

繆氏

九

繆恭字思敬天台人通春秋爲縣學諸生已而棄舉子業攻詩文宏治初詔求直言恭以白衣上書論天下事凡數千言其指斥忌諱皆人所不敢道者疏入通政司官輒大懼遂拘留而劾奏之帝亦不之罪也特敕有司遣還家繆伯雨工爲詩有虞山樵唱暨陽黃裳爲之序其咏物詩二百餘首爲時所稱

繆璩字廷輝浦城人天順間鴻臚寺序班練達禮儀舉止端雅

歷代列女

繆氏庠生吳綱妻也年二十三綱卒生子珊甫二歲繆誓不再醮撫孤成立鄉人稱其苦節年六十五卒

繆氏婦姓王氏寧海人繆君英妻姑王氏病噎幾危氏割股調藥姑病獲痊君英異而探之乃見刀痕時年甫二十

繆氏奉化人泰和知縣應承完之妻承完聘繆氏未娶磨
貢入京旋登賢書明年成進士爲泰和尹未幾卒于官是
時繆方在室聞變卽赴應門奔喪守志終身年八十九卒

鞠氏

姬姓后稷之孫生而有文在手曰鞠因以名之裔孫鞠
武爲燕太子丹傅風俗通漢尚書令鞠譚或爲麴氏音
之訛也

歷代名賢

周

鞠誦景公上路寢聞哭聲曰吾若聞哭聲何爲者也梁邱
據對曰魯孔子之徒鞠誦者也明于禮樂審于服喪其母
死塋埋甚厚服喪三年哭泣甚哀公曰豈不可哉而色悅
之

氏姓譜

卷百三十三

一屋

鞠氏

二十

宋

鞠誦字詠之開封人父勵膳部員外至廣南轉運使早卒
詠方十歲好學自立登進士試校書郎知錢塘改著作郎
知山陰除太常博士召爲監察御史錢惟演自毫來朝圖
入相詠言其儉險若遂相之必失天下望太后遣內侍持
奏以示猶顧望不行詠語諫官劉隨若相惟演當取白麻
壞之惟演聞之始亟去時大安殿柱生芝帝召羣臣就觀
詠言皇上新卽位河決未塞霖雨害稼宜思所以應天變
臣願陛下以延進忠良退斥邪佞爲寶以訓勸兵農豐積
倉廩爲瑞草木之怪何足尚哉詠嫉王欽若阿附數曉其
短欽若心忌之至是復相會詠兼左巡使坐失糾率府率
崇俊入朝失儀出通判信州又坐鞫陳絳獄失實徙邵州
欽若死中丞王鞏奏還轉殿中侍御史曹利用貶所薦擢

多領兵守邊朝議欲罷去之詠請一切毋治河北京師早
飢請出太倉米十萬石以振改三司鹽鐵判官至副使天
聖六年夏大星晝隕有聲如雷詠條上五事因言少保晁
迥雖老致仕有器識宜蒙訪對必有裨補三司使胡則言
詠有黨性貪巧不可任利權轉禮部員外郎兼侍御史知
雜事權判吏部流內銓八年置天章閣待制命詠爲之判
登聞檢院故相張士遜入覲冀得再用詠奏與利用相親
共事援引爲相憑寵肆威無所救正願陛下割東宮舊恩
伸朝廷公義士遜乃赴鎮晚年多病嘗著道釋雜言數十
篇別構淨室以居自號深寧子卒

鞠常字可久高密人祖真黃縣令父慶孫申州團練判官
常少好學善屬文漢乾祐二年擢第授校書郎周廣順中
弟愉亦登進士父子兄弟咸有詩名范質薦常充集賢校

氏姓譜

卷百三十三

一星

鞠氏

二一

理出爲鄆州觀察使歷永興軍掌書記伊陽猗氏二縣
令蔡州防禦判官復宰介休魏縣開寶中趙普薦爲著作
佐郎嘗著四時成歲賦春蘭賦頗存託興有集二十卷後
終清河令年僅四十七子仲謀

鞠仲謀字有開登雍熙進士素有才幹歷監察御史東京
留守推官陝西轉運至兵部員外郎

鞠杲吳州人舉進士元符中入汴京上書排章惇等罪辭
極抗直惇怒以杲隸黨籍

鞠真鄉字顏叔熙寧中知蘇州政事無他設施而人自憚
之庭訟寂然治平中貶南安軍道過蘇相戒不敢過其泊
舟處其見憚如此

鞠嗣復不知何許人宣和初知休寧方臘黨破縣欲逼降
嗣復罵曰汝當去逆效順何爲脅我使降嗣復知必死心

不少懼賊曰我縣人也明府宰邑有善政我不忍委而去

元

鞠志巴陵人至順癸酉會試中書省試蒲輪車賦號稱雅贍至元開官宜都令

明

鞠躬雲南楚雄人舉人嘉靖三十九年任歸德府推官性冲雅持法平恕審編屬邑賦役人多其公有去思

鞠惠字秀芝嘉靖己丑選貢授廣西平樂府撫治有功加奉議大夫提督軍務總理平樂兵餉勦戮八源安撫三洞

蠻夷感化各地方建石碑列政績年老告歸卒年九十所著有叢談娛老集智見齋焚餘稿

鞠鉞文登人邑庠生年十八聘于氏正德中流賊破城鉞與于俱被虜至城南寺逼鉞以從要使其割髮鉞厲聲罵

氏姓譜

卷之三十一

一屋

鞠氏

三

曰頭可斷髮不可割遂殺鉞氏義不辱蠲石而死副使馮世雍令有司禮祭碣其墓曰雙節

歷代列女

鞠氏婦姓黃保庸人鞠養瘠妻也懷宗七年遇賊不屈觸石而死時年二十四歲

鞠氏婦姓楊楚雄縣人鞠以和妻也年二十三守節至九十二以壽終六十九年如一日撫姪生孫七人闔門公舉

貞節天啟元年院道旌表

鞠氏

見姓苑明鞠以正楚雄人嘉靖中邳州知州

鞠氏

即鞠氏也漢尚書令鞠譚生闕避難湟中因居西平改

姓鞠氏宋開寶登科有鞠拱今歷陽多此姓望出吳興

漢

麴聖卿河南人善爲丹書符効厭殺鬼神而使命之

晉

麴允金城人也與游氏世爲豪族西州爲之語曰麴與游
牛羊不數頭甫開朱門北望青樓洛陽傾覆閭鼎等立秦
王爲皇太子于長安鼎總攝百揆允時爲安夷護軍始平
太守心害鼎功且規權勢因鼎殺京兆太守梁綜乃與綜
弟馮翊太守緯等攻鼎走之會雍州刺史賈疋爲屠各所
殺允代其任愍帝卽尊位以允爲尙書左僕射領軍持節
西戎校尉錄尙書事雍州如故時劉曜敗凱趙染數萬衆
逼長安允擊破之禽凱于陣曜復攻北地允爲大都督驃
騎將軍次于青白城以救之曜聞而轉寇上郡允軍于靈

氏姓譜

卷百三十三

一星

麴氏

三三

武以兵弱不敢進曜後復圍北地太守麴昌遣使求救允
率步騎赴之去城數十里羣賊繞城放火焰蔽天縱反
間詐允曰郡城已陷焚燒向盡無及矣允信之衆懼而潰
後數日麴昌突圍赴長安北地遂陷允性仁厚無威斷吳
皮王隱之徒無賴凶人皆加重爵新平太守竺恢始平太
守楊像扶風太守竺爽安定太守焦嵩皆征鎮杖節加侍
中常侍村塢主帥小者猶假銀青將軍之號欲以撫結衆
心然諸將驕恣恩不及下人情頗離由是羌胡因此跋扈
關中淆亂劉曜復攻長安百姓飢甚死者大半久之城中
窘逼帝將出降歎曰誤我事者麴索二公也帝至平陽爲
劉聰所幽辱允伏地號哭不能起聰大怒幽之于獄允發
憤自殺聰嘉其忠烈贈車騎將軍諡節愍侯

南北

魏紹樂陽人善占候景欲試之使與郭生俱卜二伏牛何者先起卜得火兆郭生曰赤牛先起紹曰青牛先起景問其故郭生曰火色赤故知赤牛先起紹曰火將然烟先起烟上色青故知青牛起既而如紹言

魏珍字舍洛西平酒泉人壯勇善騎射以帳內從齊神武天統中封安康郡王武平初爲豫州道行臺尚書令豫州刺史卒贈太尉

魏信陵貞元中爲江望令有惠政亢旱禱雨卽應百姓爲之立祠白居易爲作秦中吟

魏祥字景德永平人永樂中父亮爲金山衛百戶祥年十四被倭掠國王知爲中國人召侍左右改名元貴遂任其

氏姓譜 卷百三十一 一屋 魏氏 二四

國有妻子然心未嘗一日忘中國也屢諷王入貢宣德中與使臣偕來上疏言臣夙遭俘掠抱釁痛心流離困頓艱苦萬狀今獲生還中國夫豈由人伏乞賜歸侍養不勝至願天子方懷柔遠人不從其請但許給驛暫歸仍還本國祗抵家獨其母在不能識曰果吾兒則耳陰有赤痣驗之信抱持痛哭未幾別去至日本啟以帝意國王允之仍令入貢祥乃復申前請詔許襲職歸養母子相失二十年又有華夷之限竟得遂其初志聞者異之

魏氏

西平徵音今歷陽有此姓晉魏崇裕著郊祀集十卷宋魏靖眉州人紹興進士

竺氏

本天竺人後漢歸中國而稱竺氏竺固爲後漢侍中

西平侯或言後漢竺晏本姓竹避仇加二此謬論也晉
新平太守竺恢又扶風太守竹爽宋竺玘舉進士

歷代名賢

竺大年字耕道奉化人性行嚴重理學淹貫家法整肅鄉
人歸敬愛業沈端憲公煥所著有禮記訂義等書

竺汝用隱桃花坑山與太白禪師往來故飛錫其地居之
留偈云昔是神仙宅今爲長者居後王伯圭來守此乃訪
之與遊覽山川沈端憲公誌其事

竺彌字道綸父生時畏雷每至天陰輒至墓伏墳悲哭有
白兔在其左右

氏姓譜

卷百二十三

一星

竺氏

三五

竺淵字靜深奉化人少穎悟過人書過目不忘宣德癸丑
進士授刑部主事尙書魏公奇其才薦陞員外郎奉勅審
廣西獄剛果明決號爲平反陞福建右參議職專封閉銀
坑其頑獷者羣聚竊取廉得之賂以白金拒而不受因戒
武帥領兵與偕將直抵其巢禽彌之已而武帥誤約不至
遂遇害奏聞上憫悼錄其子文盛爲南樂縣主簿

歷代列女

竺梅英武寧竺壽翁女許聘冷氏未嫁夫逝終身守節時
稱竺夫人東門外石橋其所建也

竺氏婦姓袁氏名秀芝奉化人年十八適竺公能方七年
而公能卒秀芝年二十四歲歎家艱姑趙氏患病兩月氏
衣不解帶浣滌污穢疾傳染遍其族袁獨無恙人以爲孝
誠所感後舅姑繼亡罄粧奩營葬已而繼母李憐其少寡

欲奪其志氏仰天自誓刳指以示紡績自給撫遺孤曰端曰慨讀書力田天順改元有司上其事旌之

竺氏婦姪陳氏奉化人竺欽妻嘉靖乙卯倭寇入陳攜姑及女而逃至徐家渡追甚迫陳自度不得脫言於姑曰辱而生寧不辱而死遂令夫負其姑自抱女投水死

竺氏奉化人陳元妻也元字叔寶娶竺氏生侗娶璩氏侗生瑞娶王氏瑞生通甫娶樓氏通甫生養才娶樓氏五世之夫皆早亡五世之婦皆守節皆由竺氏之率之也國子助教貝瓊為作貞婦傳

竺氏奉化人董源潏妻夫亡時子玘幼竺苦節自甘養子長成為娶婦范氏謹端有識度事孀姑以孝生于五月而玘卒竺與范撫育其子恒娶鍾氏恒又卒遺孤一歲家貧紡績以食奉事寡姑尤盡禮意三婦貞淑知禮孝姑慈幼

氏姓譜 卷百三十三 一星 竺氏至 云

士大夫咸以節孝稱之嘉靖八年旌其門曰貞節竺氏奉化人宋坡妻年二十一而夫亡誓不改節孝養姑孀冰蘩之操五十年如一日隆慶五年節推周公光鑄上其事學道喬撫院徐巡按謝給扁旌其門

竹氏

姜姓孤竹君成湯封之遼西至伯夷叔齊有讓國之賢子孫以竹為氏後漢竹曾為下邳相又擬陽侯竹晏並東莞人宋朝有竹滋登進士第開封人

歷代名賢

唐

竹承構開元末為宣州刺史務戢奸宄黜貪黷境內以清與班景倩同風時有班竹之號

明

竹密廬山人萬歷三十七年知城步縣首建文廟學齋每會隣邑勸審援筆定案卒不能移縣西蓮荷山多奸宄爲行人患密請置堡撥軍防守遂成坦塗

服氏

周內史叔服之後漢有江夏太守服徵又有後漢九江太守服虔注漢書河南人望出西平

歷代名賢

服生齊人受易于同郡田何所著有易傳數篇

服虔字子慎初名重又名祗後改爲虔河南滎陽人也少以清苦建志入太學受業有雅才善著文論作春秋左氏傳解行之至今又以左傳駁何休之所駁漢事六十條舉孝廉稍遷中平末拜九江太守免遭亂行客病卒所著賦

氏姓譜

卷百三十三

一屋 服氏至 二七

神誅書記連珠九憤凡十餘篇

陸氏

正字通曰姓

歷代名賢

南

陸豫字道閑趙郡高邑人父寂梁北平太守道閑弱冠州舉秀才天保中參議禮令歷晉州道行臺郎大理正奉車都尉入館遷員外散騎常侍尋兼祠部郎中隋開皇中卒于洛州司馬豫宗人仲讓天保時尚書左丞

宋

陸游夔州判官有治聲嘗陳進取之策于宣撫王炎甫謂經畧中原必自長安始取長安必自隴右始當積粟練兵

以俟豐

陸大用汾州同知廉公有威吏民畏服去任州人思之

陸堅平南人宣德舉人任教諭

陸仲德蕪湖人正德中清豐縣丞

宿氏

風姓伏羲之後武王封之使主太昊與濟水之祀宋人遷之不復見左傳云任宿須句顓臾風姓杜預云宿國在東平無鹽縣無鹽故城在鄆州須城東三十六里子孫以國為氏後漢有宿仲談宋有宿干之舉進士又有宿六斤氏改為宿氏

歷代名賢

氏姓譜

卷百三十三

一星

宿氏

元

宿石朔方人赫連屈丐弟文陳之曾孫也天興中文陳父子歸魏道武嘉之以宗女妻焉拜上將軍祖若豆根明元時賜姓宿襲上將軍父沓干從太武征平涼有功賜爵漢安男後從討蠕蠕戰沒石年十三襲爵擢為中散遷內行令從于苑中游獵石走馬引前道峻馬倒殞絕久之乃蘇由是御馬得制文成嘉之賜以綿帛駿馬改爵義陽子又常從獵文成親欲射猛獸石叩馬諫引帝至高原上後猛獸騰躍殺人褒美其忠許後有犯罪宥而勿坐賜駿馬一匹尚上谷公主拜駙馬都尉位吏部尚書進爵太山公為北征中道都大將卒追贈太原王諡康堊禮依盧魯元故事太和初子倪襲爵

宋

宿翰官成都軍監會李順之亂賊黨分掠劍門翰領兵投

劍門與上官正合迎擊賊衆數千斬馘殆盡奏至太宗嘉賞下詔獎飭翰自供奉官擢崇儀使領昭州刺史

明

宿應 字文炳掖縣人嘉靖甲辰進士歷行太僕寺卿宿進字孺忠黃陂縣人正德甲子鄉試戊辰進士授刑部主事員外郎中上封事詆觸中貴杖之朝堂落籍歸歸二年卒進博學好古侃侃有志既家居構太極亭讀書其中

叔氏

姬姓魯桓公之子叔牙之後叔牙與慶父同母慶父弑閔公叔牙有罪飲酖而死遂立公孫茲爲叔氏亦曰叔孫氏亦曰叔仲氏又魯文公之子叔盱後世亦爲叔氏或言八凱叔達之後及晉叔向之後亦爲叔氏東觀漢記光武時壯武將軍叔壽

氏姓譜

卷百三十三

一星

叔氏至 二九

夙氏

古夙沙氏之後衛有夙沙衛閭寺之屬

明

歷代名賢

夙道 遷字志彰松溪人素以好義爲鄉人所推服景泰初強賊攻縣治道暹奉檄親詣賊巢撫諭生禽賊首二十餘名招撫民人一千餘家天順末流賊聚劫縣境道暹復奉檄招募民快白輸糧餉竭力隱備復親犯矢石斬獲賊首張記得等境內以安鎮巡等官上其功授知縣督捕盜事

祿氏

子姓風俗通云紂子武庚字祿父其後以字爲氏涇陽有此祿姓亦出扶風又吐番酋長有祿東贊明祿存武

涉人永樂舉人

福氏

唐福信百濟將宋福增知江州軍事明福生徐聞人正統中任雋都縣學訓導福時永平人嘉靖中任都督福海宣德間任山西典史有治績吏民便之

復氏

歷代名賢

明

復揚清扶風典史籍其民為上中下三等憑以差役莫不從令貧無牛耕者即為假貸人甚德之秩滿去民詣闕乞留乃陞祿復任之

穀氏

羸姓伯爵春秋穀伯綏之裔也今襄陽穀城縣西北五里故穀城是也子孫以國為氏漢有穀思為魯相

復氏

卷百三十三 一星

鹿氏至 三

復氏

望出東海復仲翁為漢宣帝師

腹氏

戰國策趙有腹華呂氏春秋墨者鉅子腹䟽

鹿氏

趙大夫食采五鹿因氏焉漢有巴郡太守鹿旗子孫因家焉又阿鹿元氏改為鹿氏

歷代名賢

問

鹿溫字處嘿西平人身長八尺腰帶十圍清辨善論雄武便弓馬孝友貞亮聲高一時

南北

鹿生濟陰乘氏人父壽典沮渠牧犍庫部郎生再為濟南

太守有治稱魏獻文嘉其能特徵起季秋馬射賜以驄馬
加以青服彰其廉潔前後在任十年時三齊始附人懷苟
且蒲博終朝願廢農業生立制斷之間者嗟善後歷徐州
任城王澄廣陵侯元衍征東安南二府長史帶淮陽太守
鄒城鎮將年七十四正始中卒追贈龍驤將軍兗州刺史
鹿念字永吉生子也好兵書陰陽釋氏之學太師彭城王
勰召爲館客嘗詣徐州馬疲附船而至大梁夜醜從者上
岸竊禾四束飼馬船行數里念覺卽停船至取禾處以縲
三丈置禾束下而返初爲真定公元子直國中尉恒勸以
忠廉之節嘗賦五言詩曰嶧山萬丈樹雕鏤作琵琶由此
材高遠弦響藹中華又曰援琴起何調幽蘭與白雪絲管
韻未成莫使絃響絕子直少有令問念欲其善終故以諷
焉後隨子直鎮梁州州有兵糧和糴和糴者靡不潤屋念

氏姓譜

卷百三十三

一星

鹿氏

三一

獨不取子直強之終不從孝莊帝爲御史中尉念兼殿中
侍御史監臨淮王彧軍時梁遣其豫章王綜據徐州綜密
信通彧云欲歸欵象議咸謂不然念遂請行曰若綜有誠
心與之盟約如其詐也豈惜一人命乎時徐州始陷邊方
騷擾綜部將成景雋胡龍牙並總強兵內外嚴固念遂單
馬間出徑趨彭城未至之間爲綜軍主程兵濶所止問其
爽狀念答曰我爲臨淮王所使兵濶遣人白龍牙等綜旣
有誠心聞念被執語景雋等曰我每疑元畧規欲叛城將
驗其虛實宜遣左右爲元畧使入魏軍中喚彼一人其使
果至可令人詐作畧身在一深室詭爲患狀呼使戶外令
人傳語時畧始被梁武追還綜又遣腹心人梁話迎念密
語意狀令善酬答引念詣龍牙所龍牙語念曰元中山甚
欲相見故令喚卿又曰安豐臨淮將少弱卒規復此城容

可得乎念曰彭城魏之東鄙勢在必爭可否在天非人所測龍牙曰當如卿言復詣景雋住所停念外門久而未入時夜已久有綜軍主姜桃來與念言謂曰元法僧魏之微子拔城歸梁梁主待物有道乃上指曰今歲星在斗斗吳之分野君何不歸梁國念答曰法僧者吾僕之流而梁納之無乃有愧于季孫也今月建鶉首斗牛受破歲星木也逆而勉之吳國敗喪不久且衣錦夜游有識不許言未盡乃引入見景雋景雋謂念曰卿不爲刺客也答曰今者爲使欲返命本朝相刺之事更卜後圖爲設食念強飲多食向敵數人微自夸矜諸人相謂曰壯士哉乃引向元畧所一人引入戶指牀令坐一人別在室中出謂念曰中山有教我昔有以向南且遣以相喚欲問卿事晚來患動不獲相見念遂辭而退須臾天曉綜軍主范勗景雋司馬楊暉

氏姓譜

卷百三十三

一星 鹿氏

三

等競問北朝士馬多少念陳士馬之盛尋而與梁詬盟契訖未旬綜降詔封念定陶縣子除員外散騎常侍永安中爲右將軍給事黃門侍郎進爵爲侯雖任居通顯志在謙退迎送親賓加于疇昔而自無室宅常假賃居止布衣糲食寒暑不變莊帝嘉其清素時復賜以錢帛及東徐城民呂文欣殺刺史元大寶南引梁人詔念以使持節散騎常侍安東將軍爲六州大使與行臺樊子鵠討破之念又購斬文欣還拜金紫光祿大夫兼尚書右僕射東南道三徐行臺與都督賀拔勝等拒尔朱仲遠軍敗還京天平中除梁州刺史

明

鹿善繼字伯順定興人祖久徵萬歷中進士授息縣知縣時詔天下度田各署上中下壤息獨以下田報曰度田以

野民乃病民乎調襄垣擢御史以言事謫澤州判官遷榮澤知縣未任而卒父正苦節自礪縣令某欲見之方糞田投插而往急人之難傾其家不惜遠近稱鹿太公善繼端方謹慤由萬歷四十一年進士授戶部主事內艱除起故官遼左餉中絕廷臣數請發帑不報會廣東進金花銀善繼稽舊制金花貯庫備各邊應用乃奏記尚書李汝華曰與其請不發之帑何如留未進之金汝華然之帝怒奪善繼俸一年趣補進善繼持不可以死爭乃奪汝華俸二月降善繼一級調外汝華懼卒補銀進泰昌改元復原官典新餉連疏請帑百萬不報天啟元年遼陽陷以才改兵部職方主事大學士孫承宗理兵部事推心任之及閱視關門以善繼從出督師復表爲贊畫布衣羸馬出入亭障間延見將卒相勞苦拓地四百里收復城壑數十承宗倚之

氏姓譜

卷百三十三

一屋

鹿氏

三

若左右手在闕四年累進員外郎郎中承宗謝事善繼亦告歸先是楊左之獄起魏大中子學伊左光斗弟光明先後投鹿太公家太公客之與所善義士容城舉人孫奇逢謀持書走關門告其難于承宗承宗善繼謀借巡視薊門請入覲奄黨大譁謂閣部將提兵清君側嚴旨沮之獄益急五日一追賊榜掠甚酷太公急募得數百金輸之而兩人者則皆已斃矣至是善繼歸而周順昌之獄又起順昌善繼同年生善繼又爲募得數百金金入而順昌又斃奄黨居近善繼家難家子弟僕從相望于道太公曰吾不懼也崇正元年逆璫旣誅善繼起尙寶卿遷太常少卿管光祿丞事請歸九年七月

大清兵攻定興善繼家在江村白太公請入捍城太公許之與里居知州薛一鶚等共守守六日而城破善繼死

人奔告太公太公曰嗟乎吾兒素以身許國今果死吾復何恨事聞贈善繼大理卿諡忠節敕有司建祠

鹿化麟善繼子舉天啟元年鄉試第一伏闕訟父忠尋卒

歷代列女

鹿氏祥符人宋守強妻姑病割股以進遂痊人以為孝感所致有司旌之

肅氏

舊云周文王之子邠叔之後以諡為氏漢肅祥為雁門太守時初與郡守為銅虎符竹使符南北肅正德吳郡太守封西豐侯肅正一為吳郡太守官至西豐侯宋肅仲恭金使肅錚寶歷間判吉州軍明肅灝歸善人永樂舉人教諭

肅氏

氏姓譜

卷百三十三

一屋

鹿氏至三四

漢有雁門太守肅河

濮氏

衛大夫食采于濮因氏焉其地在澶州濮陽今新定有此姓望出魯國濮陽宋朝登科濮俊民開封人濮溫其邵武人

歷代名賢

宋

濮坦歸安人隆興登科知龍溪縣廉明有吏才政事井井可觀民多德之

元

濮鑑字明之桐鄉人大德丁未大水澆禾鄉里大飢鑑捐米千餘石以食飢者所活甚眾有司上其事給授富陽稅務官階將仕郎淮安置屯田打捕同提舉鑑居鄉行義具

載學士趙子昂所撰墓誌父振仕宋承節郎兩浙兵馬副都監

明

濮英廬州人初以勇力爲百夫長積功至西安衛指揮坐軍政不修召還詰責遣葉昇代之昇更言其賢令還衛洪武十九年太祖命耿炳文選陝西都司衛所卒備邊惟英所練稱勁旅加都督僉事明年命帥所部隨大將軍馮勝北征抵金山降納哈出遂班師而以英將奇兵三千人爲殿納哈出餘衆竄匿者尙數十萬聞師旋設伏于途謀俟大軍過竄取之未發英後至猝爲所乘衝突不能出馬蹄遂見執敵旣得英思挾爲質英絕食不言乘間引佩刀剖腹死事聞贈金山侯諡忠襄明年進贈樂浪公封其子璵爲西涼侯祿二千五百石予世券二十三年命練兵東昌

氏姓譜

卷百三十三

一屋

濮氏

三五

又令駐臨清訓練士卒二十五年召還同宋國公勝等簡閱山西士馬璵能修父職帝甚嘉之復令籍山西民兵所籍州縣最多事集而不擾明年坐藍玉黨戍五開死

濮中玉號琢峯舒城人萬歷進士由長興更秦和縣爲政威惠並用守正不阿積俸四百金爲民償逋凡爲民患者悉罷之置社田八百六十斛邑之貧不能得師者皆就社學去官之日蕭然敝篋人皆稱之

濮有容分水人知安陸縣城陷一門十九人皆死

濮智字明用武進人由舉人成化間任政和教諭學博行

方士林欽服

濮韶字和仲當塗人幼承家學日誦四書葩經數千言未

冠時卽以文名居家孝友恂恂如也宏治己酉中順天解

元丙辰進士改庶吉士授編修未幾卒天奪之速未究厥

施識者恨之

歷代列女

濮氏名貞南昌人許聘費愚正德丁卯夏費愚年二十一弟溺于池救之竟沉而死濮聞之泣且嘆曰業已許之矣不幸有此復誰許邪即潛入室自經死

速氏

見姓苑宋速希覺知連州明速斌正統中饒州衛千戶

曠氏

曠牧齊人年七十無妻見雉朝飛雌雄相隨撫琴而歌

故鼓琴有雉朝飛操

縮氏

見戰國策

歷代名賢

氏姓譜

卷百三十三

一星

縮氏至 三六

聞

縮高趙之安陵人事安陵君魏攻管而不下高之子為管守信陵君使人謂安陵君曰君其遣縮高吾將仕之以五大夫使為持節尉安陵君曰安陵小國也不能必使其民使者自往請道使者至高之所復信陵君之命高曰君之幸高也將使高攻管也夫以父攻子守人大笑也見臣而下是背主也父教子背亦非君之所善也敢再拜辭使者以報信陵君大怒遣使之安陵曰安陵之地亦猶魏也今吾攻管而不下則秦兵及我社稷必危矣願君生束縮高而致之弗致將發十萬之師以告安陵之城安陵君曰吾先君成侯受詔襄子以守此地也手受大府之憲憲之上篇曰子弑父臣弑君有常刑不赦國雖有赦降臣亡子不得與焉今縮高謹辭大位以全父子之義而君曰必生致

之是使我負裴子詔而廢大府之憲也雖死不敢行高聞
之曰信陵君爲人悍而自用此辭反必爲國禍吾已全矣
無違人臣之義矣豈可使吾君有魏患也乃之使者之舍
刎頸而死信陵君聞之服縞素避舍使使謝安陵君曰無
忌小人也困于思慮失言於君敢再拜釋罪

斛氏

宋斛繼善紹興間判汀州事

角氏

亦作角里氏漢有角里先生以其所居在角里漢角若
漢角里先生之後

僕氏

周禮僕人之後望出河南又河南官氏志僕蘭氏改爲
僕氏漢僕朋封渾渠侯宋僕斗南淳祐中泉州知州明

氏姓譜

卷百三十三

一屋

斛氏至

三七

僕淮桂林人正德中任善化縣訓導

璞氏

明璞俊城固人宣德中舉人任知縣

畜氏

嬴姓自云秦非子之後非子爲周孝王主馬牧畜于汧
渭之間馬犬蕃息邑之秦號秦嬴支庶以畜爲氏姓苑
云今天水有畜氏漢畜客畜意畜梁俱見印藪

鷲氏

帝顓頊之後季連之苗裔有鷲熊爲周文王師鷲拳其
後也姓苑云建平有此姓

歷代名賢

周

鷲熊年九十見文王王曰老矣鷲子曰使臣捕獸逐麋自

老矣使臣坐策國事尙少也文王師之武王崩成王卽位
享國親以其身見于鬻子之家而問焉鬻子告以上世之
政所著鬻子二十二篇蓋多闕畧云
鬻拳事楚文王嘗強諫王王弗從臨之以兵懼而從之鬻
拳曰吾懼君以兵罪莫大焉遂自刎也楚人以爲大闢謂
之大伯文王十五年巴人叛王禦之大敗于津還鬻拳弗
納遂伐黃敗黃師于踏陵還及湫薨鬻拳葬諸夕室亦自
殺也而塋于經皇

鄗氏

卽畜氏漢東海太守鄗熙因官居焉

瀆氏

漢瀆宏之

鄴氏

氏姓譜

卷百三十三

屋

鬻氏至

三

魏邑名漢鄴鳳梁令

蓼氏

偃姓皋陶之後文五年楚滅之今壽州霍邱卽其地也
子孫以國爲氏唐蓼崇業太原人右羽林將軍晉陽公

獨氏

見姓苑明獨立華州人承業舉人任平陽訓導獨善華
州人宣德中任行人獨賢赤水衛人正德丁卯舉人在
四川安岳州知州

目氏

目夷之後以王父字爲氏按目夸字子魚宋襄公庶兄
初桓公有疾襄公爲太子固請曰目夷長且仁君其立
之公命子魚子魚辭曰能以國讓仁孰大焉臣不及也
且又不順遂走而退桓公薨襄公卽位使子魚爲司馬

築氏

明築應祥廣東人永樂中貴溪縣丞

天氏

偃姓皋陶之後文五年楚滅之今廬江故六城是也子

孫以國為氏

禿氏

國語云祝融後八姓已董彭禿姁斟曹莘周皆滅之賈

逵云禿彭姓別族也

曩氏

通志氏族畧云望出晉陽

孺氏

孺氏

俱見姓苑

氏姓譜

卷百三十三

一屋

孺氏至

三

曩氏

唐史補唐高宗乾封中武后殺從兄武惟良易其姓為

曩氏

育氏

見集韻姓也

鍾氏

音族姓也見字彙

楚氏

楚舊註音蜀姓也梁公子戮黻之後按梁四公子傳三

曰楚黻楚音頤或誤作楚

佩氏

音族姓也邑名見直音

隰氏姓譜云人姓也說文籀文陸字玉篇作隰

幅氏

正字通姓也

入聲

沃

沃氏 予姓風俗通商王沃丁之後神仙傳沃焦吳人

歷代名賢

助

沃野蕭山人洪武初知溫縣時民艱于食墾令開闢荒蕪樹藝桑棗百姓歌曰田墾闢沃公力衣食足沃公育比代去民遮道留之

沃領定海人成化間由進士以監察御史左遷知內鄉興利除弊禁奸保良百凡公署學校皆其所建積穀千餘萬石以備振政績赫然擢荊州府知府祛弊懲貪聲名大振

氏姓譜

卷百三十三

二沃

沃氏至

續氏

姬姓晉大夫狐鞠居食采于續故謂之續簡伯又為續氏一云舜七友續牙之後漢功臣表續相如封承父侯晉有續武威撰異物志石趙有太子少保續咸上黨河東襄陽並有此姓望出雁門

歷代名賢

古

續牙一國之賢者嘗與帝舜遊舜七友之一

晉

續咸字孝宗上黨人也性孝謹敦重履道貞素好學師事京兆杜預專春秋鄭氏易教授常數十人博覽羣言高才善文論又修陳杜律明達刑書永嘉中歷廷尉平東安太守劉琨承制于并州以為從事中郎後遂沒石勒勒以

理曹參軍持法乎詳當時稱其清裕比之于公著遠游志
異物志汲冢古文釋皆十卷行于世年九十七死于石季
龍之世季龍贈儀同三司

南比

續豐州人母老家貧無以充養遂不食肉詔給豐月米
二斛錢一千并製豐噉肉

束氏

漢太子太傅疎廣之後也王莽末廣曾孫孟達避難自
東海徙居沙鹿山南因去疎之足遂改姓焉望出南陽

歷代名賢

束哲字廣微陽平元城人祖混隴西太守父龕馮翊太守
並有名譽哲博學多聞與兄瑒俱知名少游國學或問博

氏姓譜

卷百三十三

二沃

束氏

四

士曹志曰當今好學者誰乎志曰陽平束廣微好學不倦
人莫及也還鄉里察孝廉舉茂才皆不就瑒娶石鑿從女
棄之鑿以為恨諷州郡公府不得辟故哲等久不得調太
康中郡界大旱哲為邑人請雨三日而雨注眾為哲誠感
為作歌曰束先生通神明請天三日甘雨零我黍以育我
稷以生何以疇之報束長生哲與衛恒厚善聞恒遇禍自
本郡赴喪嘗為勸農及甦諸賦文頗鄙俗時人薄之而性
沈退不慕榮利作元居釋以擬客難張華見而奇之石鑿
卒王戎乃辟瑒華召哲為掾又為司空下邳王晃所辟轉
佐著作郎撰晉書帝紀十志遷轉博士著作如故初太康
二年汲郡人不準盜發魏襄王墓或言安釐王冢得竹書
數十車其紀年十三篇記夏以來至周幽王為犬戎所滅
以事接之三家分仍述魏事至安釐王之二十年蓋魏國

之史書大畧與春秋皆多相應其中經傳大異則云夏
多殷益于啟位啟殺之太甲殺伊尹自周受命至穆王百
年非穆王壽百歲也幽王既亡有共伯和者攝行天子事
非二相共和也其易經二篇與周易上下經同易經陰陽
卦二篇與周易畧同經辭則異卦下易經一篇似說卦而
異公孫段二篇公孫段與邵陽論易國語三篇言楚晉事
名三篇似禮記又似爾雅論語師春一篇書左傳諸卜筮
師春似是造書者姓名也瑣語十一篇諸國卜夢妖怪相
書也梁邱藏一篇先叙魏之世數次言邱藏金玉事繳書
二篇論弋射法生封一篇帝王所封大歷二篇鄒子談天
類也穆天子傳五篇言周穆王遊行四海見帝臺西王母
圖詩一篇畫贊之屬也又雜書十九篇周食田法周書論
楚事周穆王美人盛姬死事大凡七十五篇七篇簡書折

氏姓譜

卷百三十三

二天

東氏

四一

壤不識名題冢中又得銅劍一枚長二尺五寸漆書皆科
斗字初發冢者燒策照取寶物及官收之多虛簡斷札文
既殘缺不復銓次武帝以其書付秘書校綴次第尋考指
歸而以今文寫之者在著作得觀竹書隨疑分釋皆有義
證遷尚書即武帝嘗問摯虞三日曲水之義虞對曰漢章
帝時平原徐肇以三月初生三女至三日俱亡村人以爲
怪乃招馮之水濱洗被遂因水以泚觴其義起此帝曰必
如所談便非好事哲進曰虞小生不足以知臣請言之昔
周公成洛邑因流水以泚酒故逸詩云羽觴隨波又秦昭
王以三日置酒河曲見金人奉水心之劍曰令君制有西
夏乃霸諸侯因此立爲曲水二漢相緣皆爲盛集帝大悅
賜哲金五十斤時有人于嵩山下得竹簡一枚上兩行科
斗書傳以相示莫有知者司空張華以問哲哲曰此漢明

帝顯節陵中策文也檢驗果然時人伏其博識趙王倫爲相國請爲記室哲辭疾罷歸教授門徒年四十卒元城市里爲之廢業門生故人立碑墓側哲才學博通所著三魏人士傳七代通記晉書紀志遇亂亡失其五經通論發蒙記補亡詩文集數十篇行于世云

宋

東元嘉合肥人調通城簿毀淫祠正風俗攝縣令以政最聞後知秦州值歲飢振濟有法全活者衆歷官樞密都承旨引老歸年九十猶課諸孫讀書至夜分不倦

東莊知萬州州舊多火災莊乃藉羨糴市材具屋通衢而茂之築水防表火道其害始息

元

東崇芳丹陽人德祐時北兵俘其父國寶崇芳詣軍門號

氏姓譜

卷百三十三

二氏

東氏

三

泣曰老父無所用兒壯健且讀書識字足任驅使請代父去于是釋國寶留崇芳伸從軍掌文檄久之閱其孝思伯顏予二矢曰今縱爾歸執此可無阻於是父子皆得免

明

東贊洪武初爲安東知縣開置公署分設街巷遷鄉民以實縣治恤孤勸農俱有條緒

東清丹徒人洪武間知萬載縣性情廉介儉以自奉民或逋租自鬻衣帶以代償其愛民如此

曲氏

姬姓晉穆侯封少子成師于曲沃支孫氏焉今絳州曲

沃卽其地漢有代郡太守曲謙貨殖傳有曲叔後漢太

常卿曲仲尼唐貞元中陳許節度使曲環陝州人望出

陝郡雁門宋朝登科曲全昌和州人

唐

曲環陝州安邑人客隴右少喜兵法資勇敢善騎射天寶中從哥舒翰討吐蕃拔石堡取黃河九曲洪濟等城授果毅別將安祿山反從魯臯守鄧州與賊武令珣戰尤力加左清道率從李抱玉屯河陽又自將兵守澤州破賊銳將安曉拜羽林將軍與諸將討史朝義平河北累轉金吾大將軍大歷中戍隴州數破吐蕃以功兼太常卿德宗初虜寇劍南詔環即以邠隴兵五千馳救收七盤城威武軍維茂等州虜破走威名大震加太子賓客賜名馬豫討涇州劉文喜遷開府儀同三司封晉昌郡王邠隴兵馬使時李納逼徐州環與劉元佐救之敗其眾功最建中三年擢邠隴行營節度使李希烈陷汴州環守寧陵戰陳州斬賊三

氏姓譜

卷百三十三

二沃

曲氏

四

萬五千級禽其將翟崇暉進檢校工部尚書兼陳州刺史希烈平改陳許節度賜封三百戶二州比為寇衝民苦剽鹵客他縣環勤身節用寬賦歛簡條教不三歲歸者繼係訓農治兵穀食豐衍轉檢校尚書左僕射貞元十五年卒年七十四贈司空

宋

曲端字元甫鎮戎人父渙任左班殿直戰死端三歲授三班借職既長警敏知書善屬文長于兵畧歷秦鳳路隊將涇原路第三將夏人入寇帥司調統制李岸與端捍禦岸駐柘林堡斥堠不謹為夏人所薄端力戰敗之整軍而還建炎元年婁宿攻陝西關隴大震端治兵守麻務鎮遣吳玠為先鋒據清溪嶺破之追奔三十里遂下兵秦州除集英殿修撰知延安府制司王庶授端吉州團練使充都統

制端以前在耀州屢陳軍事不聽不欲屬庶金牒知二人
不協併力攻鄜延時端盡統涇原精兵在淳化庶日移交
趣其進又十輩遣使往說皆不聽事益急庶又遣屬官曾
濤督師端陽許而實無行意權轉運張彬問師期笑應曰
公視端所部孰與李綱救太原兵乎彬曰不及也端曰綱
召天下兵不度而往隨以取敗今端兵不滿萬不幸而敗
則金騎長驅是無陝西矣以端計之全陝西與全鄜延一
路孰重是以未敢卽行不如蕩賊巢穴攻其必救乃遣吳
玠攻拔華州端自分蒲城不攻引兵趣耀之同官復迂路
由邠之三水與玠會襄樂庶旣不得端乃自收散亡卒往
救比至甘泉延安已陷乃與官屬馳赴襄樂猶欲倚端自
副端彌不平端號令素嚴入壁雖貴不敢馳庶至端令每
門減其從騎之半及帳下僅數騎而已然猶虛中軍以居

氏姓譜

卷百三十三

二沃

曲氏

五

庶庶坐帳中端先以戎服趨庭旣而與彬及承受高中立
同人見良久聲色俱厲問庶延安失守狀曰節制固知愛
身不知愛天子城乎庶曰吾數令不從誰其愛身者端怒
因起歸帳庶留軍中終夕不自安端欲卽軍中殺庶奪其
兵走見陝西撫諭謝亮說之曰延安五路襟喉今已失之
春秋大夫出疆得以專制請誅庶歸報亮曰使事有指今
以人臣擅誅于外是跋扈也公爲則自爲端意阻復歸軍
明日庶言已自劾待罪端拘縻其官屬奪其節制使印庶
乃得去叛賊史斌圍興元不克引兵還關中義兵統領張
宗諤誘斌如長安而散其眾欲徐圖之端遣玠襲執斌復
自襲殺宗諤三年遷康州防禦涇原路經畧安撫使知涇
州朝廷自謝亮歸聞端欲斬庶疑有叛意召爲御營司提
舉端疑不行喧言且反無以自明宣撫張浚方欲收攬英

傑以端在陝西屢與敵角欲仗其威聲以百口保端不反
復承制築壇拜端威武大將軍宣州觀察使充宣司都統
制知渭州端登壇受禮士衆歡聲如雷浚雖欲用端而未
測其意使張彬察之見端問曰公常患諸路兵不合財不
足今兵已合財已備婁宿孤軍深入吾境我合諸路攻之
不難萬一精罕併兵何以待之端曰不然兵法先較彼已
今敵可勝只婁宿一軍然將士精銳不減前日我合五路
兵觀其將士無以大異于前彼旣因糧于我莫若按兵據
險時出偏師以擾使彼不得耕獲必取糧河東不一二年
敵自困斃可一舉而滅也萬一輕舉後憂方大彬復命浚
不主其言適遇彭原店之敗端自將屯宜祿聞玠前軍小
却退屯徑州據險以防衝突金乘勝焚邠州而去玠方怨
端不爲已援端又劾玠違其節制浚復以兀朮窺江淮議

氏族譜

卷百三十三

二派

曲氏

吳

出師以撓其勢端又謂我軍未嘗習水戰難與爭鋒宜訓
兵秣馬自保疆土俟十年乃可端旣與浚異兼積前疑竟
以彭原事罷端兵柄與祠再責海州團練使萬安州安置
後因富平之役涇原軍馬出力最多浚又叙端前功訓練
有方起爲榮州刺史提舉江州太平觀徙閬州欲復用端
玠言端再起必不利于公浚入其說亦畏其難制王庶又
從而間之告端作詩曰不向關中興事業却來江上泛漁
舟以爲指斥乘輿浚遂送端詣恭州獄提點刑獄武臣康
隨嘗忤端端鞭其背隨恨之入骨端仰天嘆曰吾死矣大
呼鐵象可惜數聲乃赴逮鐵象者端馬也日馳四百里旣
至隨令獄吏械繫糊其口脅之以火端乾渴求飲予之酒
九竅流血而死年四十一陝西人士聞者莫不惜之軍民
張快有叛去者浚尋得罪追復端宣州觀察使諡壯愍生

平有將畧使展盡其才要未可量特以剛愎恃才凌物卒
自貽禍云

曲珍字君玉隴干人世以材武長雄邊關嘗與叔父出塞
許獵猝遇夏人陷其圍中珍馳擊大呼衆披靡得出顧叔
不至復持短兵決鬪遂得俱脫秦鳳都鈐轄劉溫潤奇其
材出寶劍令射一錢于百步外中卽與之遂從溫潤城古
渭與羌戰先登陷陣爲綬德城監押提孤軍拒寇斬其大
酋加閣門祇候洮西有功遷內殿崇班爲郭遠趙高南征
第一將進自右江撫接廣原三州十二縣降僞守已下百
六十人老稚三萬六千口功最諸將遷西染院使得疾輿
還京師神宗遣使臨問賜之弓劍鞍馬命有司蠲其鄉徭
賦擢鄜延鈐轄進副總管從种諤攻金湯永平川斬二千
級累遷龍神衛四廂都指揮使承樂之役謀言夏人聚兵

氏姓譜 卷百三十三 二天 曲氏 四

珍請徐禧還米脂而自居守明日果至分陣抵城下時衆
心已搖珍陳兵水際白禧曰若戰必敗請收兵入城禧曰
君爲大將奈何遇敵不戰先自退邪及攻城急又勸禧宜
乘兵氣未衰潰圍而出使人自求生亦不聽及敗收殘兵
入城陷因縋而免子弟死者六人坐貶皇城使帝責以後
效元祐初爲環慶副總管夏人寇涇原號四十萬珍擣虛
騎馳三百里破之曲律山俘斬千八百人解其圍進東上
閣門使忠州防禦使卒年五十九珍雖不知書而忠義本
于天性善撫士卒得其死力

明

曲履繩號龍門沅陵人與弟入繩同領嘉靖甲午鄉薦知
靜州勤于撫字歷任滇南進司臬政務持平退居林下以
道南爲已任祀鄉賢

曲入繩字子約少警悟尤孝事祖母領鄉薦初授分寧教諭以矩矱束士丙午應聘分校豫闈首拔申嘉瑞時稱得人戊申遷國子助教出補杭州府同知署郡事當赭山失利後大加綏輯署海寧時倭據石墩入繩夙夜防禦寇無可乘解去乙卯寇復猝至入繩執佛郎机迎擊之寇遂潰散薦陞浙江僉事告歸居鄉授徒講藝若諸生時祀鄉賢曲廉蓬萊人正統間任莆田知縣初縣東西濱漳水蕩沒膏腴連亡日衆廉蒞政勞來多方先決其流以順水之性次築堤障之縮澤既濶躬率墾闢植以桑棗又候豐稔勸贏餘出糶本歛散以時卒有萬石之積立社學定三等科差使貧者有靠無損崇修孔子廟及祀典壇宇城郭巷道皆使端正流連四歸獄九年無重囚及滿邑民詣闕借留立石頌之

氏姓譜

卷百三十三

二沃

曲氏

吳

歷代列女

曲氏名秋葉大同靈邱人曲太保女母馬氏一弟曲介子家貧歲飢就食臺邑僦居林泉村庠生安崇德見其美欲私之女堅拒遂訴於父母自縊死有司以事聞有詔旌表置安生如法萬歷三十五年巡按康公爲置田五十畝以葬餘爲香火資作傳勒于墓

曲氏沅陵人梁嶽妻嶽卒曲年十八于凌雲三歲凌霄未期曲苦守凌霄娶吳氏而天遺孤甫數月吳與姑同心堅操曲年六十九吳年七十餘卒時稱一門雙節

遜氏

音緣風俗通漢大司馬遜並後漢有遜明廣平人唐夏官郎中遜仁傑河陽人望出廣平及河內宋景祐登科遜昂遜湛元祐有遜勉大名府人

遂魯曾字善止河南修武人文宗天歷二年進士辟御史臺掾會臺官劾中丞史顯夫簡傲魯曾開封章于大夫前曰中丞素持重不能與人周旋御史以人情劾之非公論由是直聲大著順帝元統初除太常博士時武宗廟未立后主集羣臣廷議太保伯顏謂明宗母亦乞烈氏可配享徽政院傳太后旨以文宗母唐兀氏可配享伯顏問曰先朝既以真哥皇后無子不爲立主今宜立者明宗母乎文宗母乎魯曾對曰真哥皇后在武宗朝已膺寶冊則爲武宗皇后明甚明文二母固妾也今以無子故不得立主而以妾母爲正宮是爲臣而廢先君之后爲子而私尊其父之妾於禮不可且燕王慕容垂卽位追廢母后文明段氏

氏姓譜

卷百三十三

二沃

遂氏

完

於別室而立其生母蘭氏爲文昭皇后以配享先王貽萬世笑豈可復蹈其失集賢大學士陳顥出曰唐太宗冊曹王明之母爲后亦二后也奚不可魯曾曰堯母爲帝嚳庶妃堯既爲帝未聞冊妃爲后而配馨今上爲大元天子顧不法堯舜而法唐太宗邪衆服其議會伯顏敗魯曾拜監察御史疏劾其黨太尉答失海牙阿吉刺等八人皆見黜久之除樞密院都事上言前伯顏專殺大臣利其妻女多巧誣以罪今後官民有罪應及身而止又剽王被陷妻女流離當雪其無辜給復其子孫帝從之除刑部員外郎悉辦正橫罹伯顏所誣者後至正十二年丞相脫脫討紅巾賊以官軍不習水土募瀕海鹽丁爲軍遷魯曾淮南宣慰使領軍事募鹽丁五千人克復徐州繼領所部討淮東卒

于軍

遂西皇元左丞相魯曾孫也占籍錢塘工文翰有雅趣仕
行省都事後棄官居西湖年八十五卒

明

遂中立字與權聊城人萬歷十七年進士由行人擢吏科
給事中遇事敢言行人高攀龍御史吳宏濟南部郎譚一
名孫繼有安希范咸以爭趙用賢之罷被斥中立抗疏忤
旨停俸一歲尋進兵科右給事中有諱修國史王錫爵舉
故詹事劉虞夔爲總裁虞夔錫爵門生也以拾遺劾罷諸
御史言不當召而中立詆虞夔尤力並侵錫爵遂寢召命
未幾文選郎顧憲成等以會推閣臣事被斥給事中盧明
諷救之亦貶秩中立上言兩年以來銓臣相繼屏斥尚書
孫鑑去矣陳有年杜門求罷矣文選一署空曹逐者至再
三憲成又繼之臣恐今而後非如王國光楊巍則不能一

氏姓譜

卷百三十三

二沃

遂氏

五

日爲冢宰非如徐一楨謝廷宋劉希孟則不能一日爲選
郎臧否混淆舉錯倒置使黜陟重典寄之權門用舍斥罰
視一時喜怒公議壅闕煩言滋起此人才消長之機理道
廢興之漸不可不深慮也且會推閣臣非自十九年始皇
祖二十八年廷推六員而張治李本二臣用卽今元輔錫
爵之入閣亦會推也蓋特簡與廷推祖宗並行已久廷推
必諸于僉議特簡或由于私援今輔臣趙志舉等不稽故
典妄激聖怒卽揭救數語譬之強笑而神不措來欲以動
聽難矣方今疆場交鋒公私耗敝羣情思亂識者懷憂乃
朝議紛紜若爾豈得不長歎息哉帝怒嚴旨責讓斥明諷
爲民而貶中立陝西按察司知事引疾歸家居二十年卒

嘉宗時贈光祿少卿

遂宏字希遠元浙江左丞魯曾之四世孫內附後卜居錢

塘遂爲錢塘人宏洪武初以故官子弟選爲儒學生員從徐大章受書經年十八陳時政得失帝悅之試御柳賦稱旨授之官吏部奏宏年少賜歸卒業尋以鄉貢分教松江陞武進教諭卒

遂得山汝陽人少負大志國初從征以功陞鎮撫於那上征僞漢得山從戰于鄱陽湖以死上舉轍功典封汝陽縣子祀于康郎山

遂相廣宗人邑庠生嘉靖辛卯母楊氏以疾終相哀痛悲號旣掩壙結廬墓三年躬荷鍤器負土累墳時大水不浸廬遠近聞之咸以爲異

王氏

音宿黃帝時公玉帶造合宮明堂見尸于後爲王氏

歷代名賢

氏姓譜

卷百三十三

二沃

王氏至五

漢

王況字文伯京兆杜陵人也代爲三輔名族該總五經志節高亮爲陳留太守性聰敏善行德教永平十五年蝗蟲起泰山彌衍兗豫過陳留界飛逝不集五穀獨豐章和元年詔以況爲司徒

金

王競河內令時歲飢盜起競設方畧購賊不數月盡得之夏秋之交泌水泛溢歲發民築堤豪猾夤緣爲奸競覈實之減費幾半民爲之諺曰西山至河岸縣官兩人半蓋以競自前令韓希甫皆有幹能正平令張元亦有治績而差不及故云

燭氏

鄭人燭之武不得氏以其居于燭地故言燭之武猶言

介之推佚之狐也

栗氏

漢有治粟都尉因以為氏魏志袁紹魏郡太守粟舉今嶺南多此姓

歷代名賢

明

栗恕長子人洪武中以國子生任戶部尚書

栗林貴縣人永樂舉人任工部員外

栗宗裕興業人永樂舉人

栗秋橫州人永樂乙酉舉人工部員外郎

栗萬鍾井研人正統中任安福縣丞

栗永舉威縣人景泰舉人

栗茂梧州人成化中任廣東副提舉

氏姓譜

卷百三十三

二氏

栗氏

三

栗旻寧州人成化舉人任訓導

栗登字有年巴縣人安治進士

栗珍廣西融縣人正德中高明縣學訓導

栗廷用松滋人正德庚午陸涼州知州

栗濟民會同人萬歷間江西瑞昌縣丞

栗應朝靖州人樂善好施邑令馮學淵旌其門曰李栗齊

名

栗萬福靖州人積穀濟貧凡三年邑令馮學淵以積善家

三字旌其門

栗晟原神鄉人景泰三年貢任山西潞安府同知

歷代列女

栗氏會同人梁日榮妻也流賊執之于平村觸柱死

栗氏楊枝森妻也年五十五夫卒無子撫姪沛然承栗氏

督課成名守節五十七年

粟氏唐守朝妻也年二十守節終身不改

粟氏肅宗陰妻年二十三寡舅欲奪其志氏不從教孤食

餽于庠

督氏

子姓宋大夫華父督之後晉有督戎樂盈之臣漢有督

瓚見風俗通又五原太守督瓊隋有督君謨善射又後

漢書巴郡蠻酋有督氏望出巴郡

歷代名賢

隋

督君謨善閉目而射志其目則中目志其口則中口有王

靈智者學射于君謨以為曲盡其妙欲射殺君謨獨擅其

美君謨製一短刀箭末輒截之惟有一矢君謨張口承之

氏姓譜

卷百三十三

二天

鏢氏至五

遂囓其鏑而笑曰汝學射三年未嘗教汝囓鏑法

篤氏

見姓苑元篤列圖字彥城永豐人舉進士第一授南臺

御史明篤自誠建水人永樂中任直隸順義縣丞

浴氏

明浴沂畧陽人永樂舉人任通判

潑氏

水名在湘東又姓也

錄氏

顧項師錄圖一作綠

觸氏

國策觸讒趙左師史記作觸龍

歷代名賢

觸讐趙之左師也孝成王元年秦伐我拔三城王新立太后用事秦急攻之趙氏求救于齊齊曰必以長安君為質兵乃出太后不肯大臣彊諫太后明謂左右有復言令長安君為質者老婦必唾其面觸讐願見太后盛氣而揖之人而徐趨至而自謝曰老臣病足曾不能疾走不得見久矣竊自怨恐太后玉體之有所郤也故願望見太后曰老婦恃輦而行曰日食飲得無衰乎曰恃粥耳曰老臣今者殊不欲食乃自強步日三四里少益嗜食和于身曰老婦不能太后不和之色少解觸讐曰老臣賤息舒祺最少不肖而臣衰竊愛憐之願令補黑衣之數以衛王宮沒死以聞太后曰敬諾年幾何矣對曰十五歲矣雖少願未及填溝壑而託之太后曰丈夫亦愛憐其少于乎對曰甚于婦

氏姓譜

卷百三十三

二沃 觸氏

人太后曰婦人異甚對曰老臣竊以為媼之愛燕后賢于長安君曰君過矣不若長安君之甚觸讐曰父母之愛子則為之計深遠媼之送燕后也持其踵為之泣念悲其遠也亦哀之矣已行非弗思也祭祀必祝之祝曰必使勿反豈非計久長有子孫相繼為王也哉太后曰然觸讐曰今三世以前至于趙之為趙趙王之子孫侯者其繼有在者乎曰無有曰微獨趙諸侯有在者乎曰老婦不聞也曰此其近者禍及身遠者及其子孫豈人主之子孫則必不善哉位尊而無功奉厚而無勞而挾重器多也今媼尊長安之位而封以膏腴之地多予之重器而不及今令有功于國一旦山陵崩長安君何以自託于趙老臣以媼為長安君之計短也故以為其愛不若燕后太后曰諾恣君之所使之於是為長安君約車百乘質于齊齊兵乃出

足氏

見字彙戰國策有足強

辱氏

奴欲切見姓苑

鷓氏

見姓譜望出東海

蓐氏

風俗通云蓐收之後又見氏族畧

氏姓譜

卷百三十三

一仄 觀氏至 五

氏姓譜卷百二十三終

